



أدنتك

نوفيلاً تكميلية لسلسلة لعنات العشق والقسوة

إسراء علي.



MARWA SALAH
Graphic & Web Designer

نوفيلاً أومنتك

للكاتبة إسراء علي

إعداد و تعبئة داخلية

آية الله محمد

نوفيلاً أدمنتك

عندما سألته هل لازلت تعشقني!

قفط إبتسم وأجاب بل أدمنتك...

قد لا نجد الأمان في أوطاننا، وقد لا نشعر بالسعادة مع

أنفسنا، وقد لا نجد شيئاً من صقيع زماننا و لكننا نجد

الحلم و الأمان و الراحة في عيون من نحب



الفصل الأول

-ممكن بلاش البوز دا...

تذمرت بها روجيدا وهى ترى زوجها مُتجهم الوجه..ينظر إليها
بغضب كل حينٍ وأخر..لينظر إليها مرةً أخيرةً ثم همس بـ
صوتٍ مكبوت

-أنتي عارفة إني رايح غصب عني ف متقوليليش يبقى بوزي
عامل إيه

-عقدت ذراعها أمام صدرها وقالت بـ تعجب: هو مش اللي
بينكوا خلاص..يعني إتصالحتوا!

Secrets Of Stories

-هدر بـ حدة: مين قال كدا؟

-رفعت أحد حاجبيها وهتفت: من ساعة أما ساعدك يا
جاسر..من ساعة أما كنا كلنا هنموت وهو جه
وساعدك..مع إنه حقه ميساعدكش...

أخذ يُحرك رابطة عنقه يمينا ويسارا وكأنها طوق يخنقه

ليقول بـ إنفعال

-وايه البتاعة دي...

ضحكت روجيدا لتمتد أناملها وتُزيل تلك الرابطة وتقول بـ

مزاح

-طب بالهداوة وكل حاجة تتحل.. أنت متعصب ليه!

-رفع حاجبه وقال: وسيادتك بتسألني...

أوقف السيارة على جانب الطريق وإتكى بـ مرفقيه على

المقود ثم تشدق وهو ينظر إليها بـ ضيق

Secrets Of Stories

-أنتي مفكرة سهل عليا أروح فرح واحد كان حاطط عينه

على مراتي!

-إرتفع حاجبها بتعجب وقالت: أنا فكرت إنك قفلت الموضوع

دا ن زمان

-حرك رأسه نافيًا ثم قال: مفيش حاجة إتقفلت يا
 روجيدا..أنا كل أما أفكر ف كدا أحس بنار..مش مجرد أنه
 ساعدني يبقى خلاص نسيت...

إبتسمت روجيدا بـ عدوبة ثم أمسكت يده وقبّلت باطنها
 هامسة بنبرة أنثوية رائعة

-أنا عمري ما فكرت إني أدخل حد ف حياتي غيرك يا
 جاسر..قلبي إتقفل عليك وبس..قبولي بيه ف مرحلة متهورة ف
 حياتنا مكنتش غير وسيلة أرجعك بيها ليا..يعني هو الضحية
 مش أنا...

ظل ينظر إلى عينيها الفيروزيتين الخلابتين دون أن يحيد
 عنهما..وبدت عيناه تبتسم لها وحدها حتى تحولت إلى شففتاه
 التي همست بنبرة عميقة

-طول عمر عنيك ليهم تأثير مختلف عليا..عنيك بحر لأ مش
 بحر..محيط ملهوش قرار وكل مادا أنا بغرق وعارف إني
 بغرق بس غرق لزيد مع الأسف الشديد

-إرتفع حاجبها الأيسر بقوة ثم قالت بذهول: مع الأسف شديد

-ضحك ثم هتف وهو يميل برأسه: مع الأسف الشديد...

وبلحظة خاطفة كان قد جذبها إلى صدره يُريح رأسها عليه.. فإبتسمت قبل أن ترفع يدها وتلمس ذلك الوشم من فوق قميصه لتسمع لعناته وتحشرج أنفاسه قبل أن يقول بصوتٍ أجش

-إتقي شر عاشق إذا إشتاق يا فراولة...

ضحكت بصخب قبل أن تُقرر طاعة حديثه فهو أكثر من صادق بإشتياقه لها.. شعرت بيده تضم ظهرها إليه أكثر حتى سمعت صوت إحتكاك عظامها إلى أن قررت أن تهتف بإختناق

-جاسر.. ولادك هيتخنقوا...

و دون أن يرد أرخى يده عنها ولكنه لم يبتعد بل لثم جبينها بـ
 عمق ولم يبتعد بل أبقى شفثيه المُعذبتين لها على رأسها
 تلفحها أنفاسه الساخنة إلى حد الإحتراق..لم تظن أن يزال
 ذلك الأمر يُمثل هاجس له "أن روجيدا كادت أن تُصبح
 لرجلٍ غيره" ولو على سبيل إسترجاعه..تعلم أنه مُتملك حد
 الجنون بها..غيرته قاتلة بل أحيانًا تشعر وكأنها قبر يضيق بها
 حتى يعتصر أضلعها..ولكنها تعلم جيدًا كيفية إحتواءه
 شعرت بـتنفسه يضيق وشفثاه تتقوسان بـألم لتهتف
 روجيدا بـصرامة
 -جاسر وقف العربية...

Secrets Of Stories

لم يحتج أن يسمع إلى أمرها مرتين..بل توقف وقبل أن
 يتشدد بـكلمة وجدها تُقبل شفثاه بـرقعة جعلت أنفاسه
 تهدأ..ليبتسم وهو يستشعر كفها يُمسد صدره بـرقعة وحنو
 به لمحة من القلق..أبعدها عنه ثم هتف بـعبثية وهو ينظر
 إلى وجنتها الوردية

-مفتاح هدوئي عرفاه..الواحد بدأ يحب يتعب عشان ياخذ
الدوا الـ

-قاطعته بـ خجل:متكلمش كلمة من كلامك الوقح يا جاسر
-ضحك وقال بـ حرارة:دا اللي بـ إيدي أعمله وأنا مش عارف
حتى أضحك ليا من غير أما يطلعلي ولادك فـ البخت..يا جوز
المفاعيص دول يا مبني الأذاعة اللي فـ البيت...

ضحكت روجيدا بـ قوة وهي تراه يائس إلى ذلك الحد..قبّلت
جانب فاه ثم همست وهي تُضع رأسها على صدره
-يلا عشان نروح سريع ونرجع سريع...

إرتفع صدره بـ تنفس حارق لتقول بـ جدية

-صدقني يا جاسر..الصفحة دي إتقفلت وهو دلوقتي بيبدأ
حياة جديدة..وأنا أهو جنبك ومش هروح لحتة تانية
-تأفف بـ ضيق ثم قال:أستغفر الله العظيم يارب..يا مهوّن...

أدار مُحرك السيارة لتتحرك ولا يزال على وضعهما..بينما ملامح جاسر تزداد قتامة دون أن تدري روجيدا..هاجس الرجل الذي حاول سرقة زوجته منه لا زال يُطارده..حتى و هي بأحضانه تحمل داخلها طفلين آخرين له..منه وله فقط إلا أن ذكرى يوم إختطافه لها وهي ترتدي ثوبها الذي بدت به كالملائكة وأنها ستُزف لآخر "مجازيًا" وهي لا تزال "على ذمته" تُطارده..تجعله يفقد عقله..لم ولن يتجاوز ذلك اليوم أبدًا ويبدو أنها تعلم وتُراعيه

بعد نصف ساعة وصلت السيارة إلى قرية الهواري..لتشتعل ملامح جاسر بنيران هائجة بينما عيناه تتحول إلى ظلامٍ دامس يكاد يبتلع الجميع..إلا أنه أثر الهدوء لأجلها

تحركت السيارة على الطريق الغير مُمهّد وجميع الأنظار تتجه إلى جاسر بتعجب وذهول..إلا أنه لم يأبه وقاد بسيارته حتى وصل إلى منزل مروة ابنة منصور..حينها أطفأ

المحرك لتتجمد يداه على المقود.. لتتنحج روجيدا ثم قالت

بـ خفوت

-يلا نازل...-

و دون أن تنتظر رده إستدارت تجذب رابطة عنقه ثم

هبطت.. ليتبعها هو الآخر..وقفت أمام المنزل المزدان بـ

الإضاءات الخاصة بـ الزفاف والرجال يتراصون ويرقصون

بـ الأحصنة وأصواتهم تتعالى بـ الضحكات والكلمات الرجولية

إستدارت إليه لتضع الرابطة حول عنقه وأعادت ربطها ثم

همست بـ رجاء

-حاول تسيطر على أعصابك يا جاسر..عشان خاطري بلاش

أطلع ألاقى ضحايا...-

لم يرد عليها بل كان ينظر بـ نظرات قاتلة لكل من تجرأ ونظر

إلى الفاتنة ذات اللون الأزرق الداكن..بـ الرغم من إتساعه

وإحتشامه إلا أنه أظهر قدها الرائع وبرز بطنها

الصغير.. ليضع يده على خصرها ويدفعها وسط الجموع
قائلاً بخشونه وحدة أفزعها

-طب خشي بدل أما تبدأي تعدي من دلوقتي...

إبتلعت ريقها بتوتر وهي ترى نظرات عيناه الملتمة برغبة

عارمة بالقتل لهؤلاء الرجال الذين تجرأوا ونظروا

إليها.. إبتسمت بإهتزاز ليهدر بعنف

-مضحكيش وخشي

-حاضر...

وقبل أن تلتفت وتدلف.. كان قد أمسك يدها وحذرهما بـ

Secrets Of Stories

صرامة

-إياك.. تقلعي الحجاب جوه

-تنفست بثقل ثم قالت بهدوء مُتزن: حاضر.. ممكن أدخل

بقي!...

ترك يدها لتدلف إلى الداخل وبقى هو يُتابع دلوفها حتى
إختفت ليتهدد بإرتياح ثم جلس بجانب أحدهم يُحيه بـ
هدوء وكأن شيئاً لم يكن

دقائق مرت قبل أن يأتي منصور وعلى وجهه إبتسامة
بشوشة ثم قال وهو يُصافح جاسر الذي نهض إحتراماً له

-شرفتنا يا جاسر باشا..نورتنا والله

-ربت جاسر على كف منصور وقال بـإبتسامة:دا نور أهله يا
عم منصور..ألف مبروك والله فرحت لمروة

-الله يبارك فيك يا جاسر باشا...

سحبه منصور ثم قال وهو يسير بجانبه

-تعال سلم على شريف والناس اللي معايا..دا الهوارية كلهم
مبسوطين بـوجودك

-إلا أن جاسر رد وهو يبتسم بـسخرية:مبسوطين ولا
خايفين يا عم منصور!..دا أنا سمعتي وحشة هنا

-ضحك منصور وقال:يا باشا الزمن عدا..والطار دمه نشف
والأرض شربته

-إلا أن جاسر رد بقتامة:الأرض مبتشر بش الدم..الحاجة
الوحيدة الي مبتشر بهاش الأرض

-حرك منصور رأسه ب تفهم ثم قال:عشان كدا متفكرش ف
الي فات يا بني..مراتك وعيلتك جنبك ودي حاجة تحمد ربنا
عليها..أنا عارف دخولك الأرض دي بعد آخر حادثة هنا
صعب..زي ما يكون دخلت النار برجليك...

تنهد جاسر و بداخله مراجل من النار تشتعل ب صدره لا
يعلم سببها إلا هو..وكأن الحادث كان أمس وكأن دماء "عمه"
لا تزال آثارها على يداه..قتله لم يسعده أبدًا..بل يشعر أن
هناك عاصفة هوارية ستصب على منزله مُذ أن وطأت
قدماه تلك الأرض..دائمًا ما تقطع جذع الشجرة ولكن تبقى
جذورها ثابتة ب الأرض لتنبت من جديد ونبتة ثناء الهواري
وجابر الهواري قد أينعت وحن وقت القصاص

تنفس جاسر ب ضيق يجثم على صدره.. ليسمع صوت
منصور يهتف ببشاشة

-وحد الله يا جاسر يا بني.. أنت قضيت على الشر اللي كان
من العيلة دي

-رد عليه جاسر ب نبرة سوداء: الشر مبيموتش.. نار الشر
مبتنطفيش ...

حرك منصور رأسه مُوافقًا لرأي جاسر الذي إستعان ب
عبارة "عمه" عن كون الشر ينتهي.. ف لو كان لكُننا نعيش ب
المدينة الفاضلة كما قال.. فالشر هو الوجهه الذي حول
بقاع العالم ب أكملها إلى فساد وحروب.. صراعات ومعارك
أهلية لطالما حركها شرور أعمالهم زينها لهم الشيطان على
إنهم "يُحسنون النسل البشري"

وصلا إلى مجلس العريس الذي نهض إلى جاسر يُصافحه ب
حفاوة ولم تفته تلك النظرة القاتلة التي رمقه بها وب نبرة
قاسية تشدق

-ألف مبروك

-إبتسم شريف قائلاً:الله يبارك فيك...

ظلت نظرات جاسر القاتلة في صراع مع نظرات شريف

الهادئة والذي قال بنبرة ذات مغزى

-الواحد لقي خلاص نصه الثاني..يعني خلاص دخلت

القفص وأنا مرتاح

-إبتسم جاسر من زاوية فمه وقال:كويس إنك لحقت

نفسك

-إبتسم شريف وقال:البركة فيك...

Secrets Of Stories

تدخل منصور قائلاً وهو ينظر إلى شريف

-مش ناوي تدخل تشوف عروستك وتطلع هنا ولا إيه!

-تنحج شريف وقال:هي مروة عملت كل اللي نفسها

فيه!..أنا مش هسمح لها تتحرك من جنبي

-ربت على منكبه وقال:متخافش يا بني..مروة عاقلة

-ليرد ب حماس :طب يلا عشان عاوز أشوفها

-ضحك منصور وقال: خلاص أنا هبعت بنت تدخلهم...

أوما شريف وبداخله ينبض ك مضخة عملاقة ترج أجزاء جسده..ليتبّع منصور ومن خلفهما جاسر يسير ببطء وهو

يشعر بأحدهم يراقبه..لينظر من خلفه و حوله ب نظرات

حادّة ك الصقر ولكنه لم يجد أحد..زفر ب نفاذ صبر وهو

يدعو بداخله أن تكون مجرد هلاوس أو شعور داخلي

تبعهم إلى أن وقف أمام المنزل لتدلف أحد الفتيات إلى

داخله..سمع بعد دقائق النساء يُطلقن أصواتهن لينظر إلى

روجيدا التي تقف ب جانب العروس وهي تبتسم ب جاذبية

وكأنها تبتسم إليه

بينما شريف أمامه قد اشتعلت عيناه ب وهج عنيف ب رغبة

قاتلة في أخذها بعيدًا عن الجميع..كانت بهجة للناظر بثوبها

الأبيض الرائع..الذي ينسدل على جسدها ب إنسيابية رائعة

جعلت منها مثال حي للفتنة والجمال..و وشاح رأسها الأبيض

لم يزد لها إلا جمالاً وبراءة قاتلة أصابت قلبه ب ضربات قوية
حتى بات يستشعر صداها برأسه

وقفت مروة أمامه تبتسم بخجل ووالدها يُسلمها إياه وهو
يُطلق الوصايا السبع.. ولكنه لم يسمع حرفاً مما قال.. ف
كانت كل حواسه مُثبتة على كتلة البراءة والفتنة أمامه.. كأن
العالم قد خلا من الجميع عداهما.. مدّ يده وهو يستمع إلى
أصوات الأعيرة النارية تُطلق بهواء.. ليحاوط رأسها ثم
جذبها إليه يُقبل جبينها ثم همس بنبرة رجولية خالصة
- دخلت حياتي نورتيها ومليتي قلبي بك.. ربنا يبارك فأيامنا..

وضعت مروو يدها على مرفقه دون أن تجد القدرة على
الحديث.. فقد تأكل الخجل جسدها كله حتى لسانها التي
تتباهى به قد أكله القط وشبع حتى التخمة.. وصل بها إلى
مجلسهما بدأ الزفاف

كان شريف قد إحترم رغبتها بأن تُقيم حفل زفافها البسيط
بقرية الهواري.. زفاف كما يعده الصعيد من إعداد ذبائح و

ولائم لعدة أيام..وقد بدت القرية كمكان مُناسب وخاصةً
 عند تلك الشجرة..التي تحمل ذكرياتهم الخاصة..وذكرى أول
 "فطيرة سكر" يتناولها من بين يديها وكم سعدت لذلك
 الإقتراح..لم ينسَ أيّة ذكرى لهما وهي حقًا أكثر من سعيدة
 وهي تراه يمسك كف يدها بتملك قاسٍ جعلها تبتسم بـ
 عذوبة هامسة بأذنه
 -بحبك...-

لاحظت يده التي قبضت على يدها بقوة وأنفاسه
 المتحشجة التي تعالت ثم هتف بصوتٍ أجش
 -إحترمي نفسك يا مروة..أنتي مش عارفة أنا ماسك نفسي
 الكام ساعة بتوع الفرح دي إزاي!

-ضحكت بـ خجل وقالت:طب رد على كلمتي...-

إلتفت إليها ثم نظر بدخاني عيناه إلى عينيها البنية اللامعة بـ
 عمق أذاهها هامسًا برقة وإبتسامة مليئة بالعواطف

-بحبك يا كرة الشعر...

إستيقظت من نومها ونظرت ب جانها فلم تجده كما
توقعت..مُند الأمس وهي تشعر ب أن هُناك خطبًا ما..كانت
ملامحه مُنقبضة وحين سألته ب هدوء

-مالك يا جاسر!..شريف ضايقك ب حاجة...

لم يرد عليها لوقتٍ طويل ظنت أنه لم يسمعها إلا أنه رد ب
صوتٍ جامد

-ليه بتقولي كدا!

-رفعت كتفها وقالت:مش عارفة..شكلك بيقول فيه حاجة

-إبتسم ب إصفرار وقال:لا أبدًا..بس دخولي أرض الهوارية

تاني خلاني أفكر حاجات فكرت إني نسيتهما...

وقتها تنهدت وهي تتفهم ألمه وما قاساه..ولكن ما يبنض ب

داخلها يُنبئها ب أن هُناك ما هو أسوء..تعرف جاسر لطالما

ظن أنه يستطيع حمايتها بجهلها.. ولكنها تعلم.. ولكنه يجهل
أنها ما هي إلا قشرة الثقة التي يأبى جاسر أن تتصدع.. يظن
أنها بأمان وهي بعيدة.. زفرت بياس وقالت

-يا ما نفسي تتغير...

نهضت عن الفراش ونظرت إلى الطاولة أمام الفراش.. لتجد
عليه وجبة إفطار لذيذة بما تتناسب مع شهيتها أثناء
حملها.. وزهرة حمراء جورية ورسالة غرام تحمل عطره
الرجولي لتبتسم وهي تقرأ عبارته

"جعله الله أجمل صباح يمر بك يا ذات العيون

الفيروزية.. يا صاحبة المحيطان.. تناولي إفطارك فقدت
أعدده لك بِنفسي وأعلم جيداً أنه سينال إعجابك بل
ستطيرين سعادةً به"...

ضحكت وهي لا تُصدق غروره وثقته.. أدارت الورقة لتجد
عبارة

"ملحوظة شديدة الأهمية" ود جانبها رُسمت علامة الموت..ضحكت ب عدم تصديق وهي تقرأ

- "سيبك من الدلع اللي ورا والكلمتين العربي دول..متطلعيش يا روجيدا من غير الحجاب..أنا عارف إن مفيش زفت رجالة وسامح مسافر..بس أنا مراتي لا بتتكشف لا على رجالة ولا ستات ولا حتى أطفال..ودا يدخلنا على نقطة مهمة..متلبسش غير فستانك الأسود عشان أوسع حاجة عندك..سيبي الباقي تلبسيه ليا"...

إرتفع كِلا حاجبها وهي ترى عبارته الوقحة المُدونة ب آخر العبارة..لتضحك بعدها ب خجل قائلة

وقح طول عمرك...

جلست وتناولت إفطارها ثم إرتدت ثيابها المكونة من ذلك الثوب الأبيض المُزين من الأطراف ب ورود زهرية ملونة وحجاب ب اللون الوردى..نظرت إلى هيئتها ب المرأة قبل أن

تهبط..لم تجد أحدًا بـ القصر سوى الخادماوات لتسأل
أحدهن

-أومال فين طنط فاطمة!

-ردت الخادمة بـ إحترام:راحت لمدحت بيه وأخذت الست
الصغيرة معاها وقالت هتوصلها الحضانة

-أومأت بـ إبتسامة قائلة:طيب مرسيه يا حبيبتي..كملي
شغلك

-إبتسمت الخادمة وقالت:تؤميرني بـ حاجة يا هانم؟

-ردت روجيدا بلطف:لا يا حبيبتي..بس خلي السواق يجهز
عشان هنزل القاهرة...

أومأت الخادمة بـ طاعة ورحلت لتنفذ ما طلبته روجيدا
بعد دقائق كانت روجيدا تجلس بـ السيارة وقبل أن تنطلق
هتفت سيدة بدت في منتصف عقدها الخامس وهي تتجه
إلى السيارة ثم قالت وهي تلهث

-أسنتي يا ست روجيدا

-عقدت روجيدا حاجبها وتساءلت:خير يا ست أم بسمة!

-إبتسمت السيدة ذات الوجه الممتلئ وقالت:خير يا ست

الكل..نسيتي تشربي العصير..ف جبهولك...

أخذت روجيدا عصير البُرْتقال الذي يوصي به جاسر يوميًا

فهي لم ترتشفه صباحًا..ثم تجرعت القليل منه لتقول وهي

تمد يدها ب الكأس

-خلاص مش قادرة..كفاية أوي كدا

-لترد أم بسمة ب إمتعاض:بس مينفعش كدا يا ست

Secrets Of Stories

روجيدا..جاسر باشا يزعل مني...

ضحكت روجيدا على عفويتها لتقول من بين ضحكاتهما

-مش هقوله..أقولك على حاجة!..إشربيه وكأني أنا

شربته..يلا عشان أتأخرت

-تروحي وتيجي ب السلامة...

ثم إنطلقت السيارة لتتجه بروجيديا إلى شركة جاسر حتى وصلت.. وما أن دلفت حتى حياها العاملین.. وبقت ماثلة أمام المصعد تبتلع ريقها بتوتر.. تتقاذف ضربات قلبها بجنون حتى سمعت صوت رجولياً يهتف بمزاح

-على فكرة الأسانسیر مش هينزل تحت الأرض...

إنقضت روجيديا وهي تنظر إلى ذلك الحائط البشري الذي يُماثل جسد زوجها.. وظلت وجهها يرتفع حتى وصلت إلى تلك العينين الزرقاء التي تُطالعنها بإهتمام.. ليبتسم قائلاً

-أنتي مش طالعة!

Secrets Of Stories

-ها...

هذا كل ما همست به بذهول قبل أن يضحك ويقول بإتزان

-بقول حضرتك طالعة مش كدا؟

-أومات قائلة: أيوة

-أشار برأسه ثم قال: طب مستنية إيه!.. الأسانسیر وصل...

نظرت إلى الأبواب المفتحة على مصرعيها قبل أن تقول بـ
توتر

-لأ إفضل أنت..أنا مستنية حد

-لم تختفِ إبتسامته ليقول:على راحتك..فرصة سعيدة...

دلف هو دون أن يدع لها فرصة للرد..كل ما رآته هو وجهه

الوسيم قبل أن تنغلق الأبواب مُتبسماً بـإتزان..وضعت

يدها على قلبها المُتقافز ثم سحبت نفساً عميق قائلة

-إهدي يا روجيدا..هتطلعي ع السلم زي الشاطرة...

نظرت إلى الدرج وبدأت تصعده بتمهل حريص..أخذت

ثلاثون دقيقة حتى وصلت إلى الأعلى بشق

الأنفوس..إستندت على الحائط ترتاح قبل أن تتجه إلى

مكتب جاسر والتي ما أن لمحتها السكرتيرة حتى نهضت

مُبتسمة قائلة

-نورتي الشركة يا مدام روجيدا...

إبتسمت روجيدا بـ مجاملة ثم دلفت لتجد جاسر مُنكبًا على
الأوراق.. إبتسمت بـ عذوبة ثم إتجهت إليه.. دارت حول
مكتبه لتجلس على طرفه والعجيب أنه لم يشعر بها.. وهي
فضلت أن تُشاهده بـ حرية.. خُصلاته الفحمية التي
إستطالت قليلاً حتى جعلته جذابًا بـ درجة أثارت
غيرتها.. هناك نساء تنظر إلى وسامته بـ نظرات حاملة.. ولكنها
تهدأ ما أن سمعت عبارة جعلت المُفرقات تحوم حولها "هي
فقط وماتت النساء بـ عيني" تضخم قلبها بـ عشقٍ لا يليق إلا
به

خرجت من شرودها على صوت تأوه وهو يضع يده خلف
عنقه.. لتبتسم وتقول بـ نعومة

-كفاية ترهق نفسك!...

وجدته يرفع رأسه إليها بغتةً وبدا مصدومًا من رؤيتها أول
الأمر ثم ما لبث أن إبتسم ونهض قائلاً

-أنتي هنا من أمتي!.. وإزاي محستش بيكي!

-رفعت رأسها إليه وقالت:الشغل واخذ عقلك...

إتجه إليها ليحملها من خصرها ويضعها على المكتب ثم

وقف أمامها يحتضن خصرها هامسًا بعبث

-لا والله دا الفراولة هي اللي واخدة عقلي وبقول أمتى الموسم

بتاعها يجي!

-حاوطت عنقه ثم هتفت بيأس:مفيش فايده بقله أدبك و

وقاحتك...

زاد من ضمه إلى خصرها يجذبها إليه ثم داعب أنفه بأنفها

قائلًا

-ومين يبقى قدامه الحلوة دي وميقاش قليل الأدب..طب

دي تبقى عيبة فحقي ك جاسر الصياد

-رفعت حاجبها هاتفة بتعجب:والله؟

-مال برأسه وقال:والله والله...

ضحكت ب غنج وهي تُقبل فكه ليهمس ويده تصعد إلى ظهرها

-وايه سبب الزيارة الرائعة دي!

-همست بد إشتياق: وحشتني.. دا سبب كافي!

-همس قبل أن يُلثم وجنتها: وأكثر من كافي...

ضحكت لتجده يضع يده على ذقنها ويلتهم شفيتها بد قُبلة
عاصفة جعلت يدها تلتف حول عنقه أكثر وكأنها إن تركته
ستقع.. وهو يده تلتف حولها تجذبها إليه أكثر حتى تحولت
القُبلة إلى عدة قُبلات.. كل قُبلة أكثر جنونًا وعاطفة من
سابقها.. حتى قطع خلوتهم طرق الباب ليبتعد جاسر عنها
سريعًا هاتفًا بد صوتٍ أجش
-أدخل...

دلفت السكرتيرة ثم وقفت تنظر إلى روجيدا التي تتلاعب بد
أصابعها بد إرتباك و وجنتها تحمل حُمره طاغية ناهيك عن
شفيتها المتورمة.. ليتنحج جاسر بد غلظة

-خلصتي فرجة على مراتي؟

-تحننت السكرتيرة ب حرج وقالت:أسفة يا فندم

-ليقول جاسر ب جدية وجفاء:خير!

-حممت وقالت:الضيف مستني حضرتك بره

-عقد حاجبه وتساءل:ضيف مين...

نظرت السكرتيرة إلى الأوراق ثم عادت تنظر إلى جاسر

وقالت بلهجة عملية

-مستر رائف الأسيوطي...



الفصل الثاني

لِجِسْمِكَ عِطْرُ خَطِيرِ النَّوَايَا

لجسمك عطرٌ به تتجمع كل الانوثة، وكل النساء

يدوخي، يذوبني، ويزرعني كوكباً في السماء

ويأخذني من فراشي إلى أي أرض يشاء

وفي أي وقتٍ يشاء، لجسمك عطرٌ خطير النوايا

وضع أطراف أصابعه على وجنتها يستشعر نعومتها وهي

نائمة بكل براءة.. شفتيها مُنفرجتين بشكا طفولي أثر عيناه

الصقرية التي تلتهم ملامحها وكأنها قطعة حلوى لذيذة

Secrets Of Stories

وشهية لنفسه التي تحته على إيقاظها في نامت

كثيراً.. ساعتين يُراقبها على جمراً ساخن

لم يصدق أنها أخيراً بين ذراعيه تتعلم أبعاديات حب

جديدة على يديه ولم ينسَ إعترافها الخجول مُنذ أكثر من

أسبوعين

"عودة إلى وقتٍ سابق"

حملها بين ذراعيه ما أن وصلا إلى النزل الذي إختاره صابر
لقضاء شهر عسلهم في عروس البحر الأبيض.. فهو يعلم
مدى عشقها لتلك المدينة الساحرة.. فتح الباب دون أن
يسمح بإنزالها وهي تُحيط عنقه وتُخفض رأسها خجلاً منه
دلف إلى الغرفة ثم أنزلها أرضاً وقبل أن تتحرك كان أحاط
خصرها وهمس بصوتٍ أجش
-مش مصدق إنك ليا.. خلاص هنا وف حضني ومحدث يقدر
ياخذك مني...
لم ترد عليه بل إبتسمت بخجل وتوتر زاد من ملامحها فتنة
ب عيناه ليُقبل جبهتها هامساً ب حرارة
-خشي الحمام إتوضي عشان أصلي بيكي
-فتحت فمها ب ذهول وقالت: بتتكلم جدا!
-أوما برأسه ب خفوت وقال: أها.. ويلا أدخلي...

أومات برأسها ودلفت وقبل أن تغلق الباب هتف هو بـ
جدية

-متخلعش الفستان..هتصلي بيه

-لترد هي بتعجب:بس هو مكشوف

-إبتسم ورد بـ بساطة:ملكيش دعوة..إعملي اللي قولتلك
عليه...

رفعت منكبيها بـ قلة حيلة ولم يكن عليها سوى
الموافقة..وبعد دقائق كانت خرجت ووجدته جالس على
طرف الفراش وما أن أبصرها حتى نهض وعلى وجهه
إبتسامة عاشقة و أخرى عابثة جعلت وجنتها تتورد بـ قوة
ليقول دون أن يقترب منها

-أنا هدخل أتوضى..وعندك إسدال إلبسه فوق الفستان...
ولم يدع لها مجالاً للرد بل دلف إلى المرحاض وتوضأ..وبعد ما
خرج وجدها ترتدي الإسدال وتفرك يديها بتوتر جعله

يبتسم.. كان يحاول الحفاظ على إتيانه حتى لا يفقد عقله
ويرهبها.. خاصةً أنها مرت بتجربة سيئة قبلاً.. وعند تلك
النقطة أظلمت عيناه بقسوة ليست عليها ولكن لما مرت به
والله يعلم أن ذلك لم ينقص من عشقها بقلبه ولو ذرة بل
يكفيه أن ما حدث كان رُغمًا عنها

عاد يبتسم ما أن رفعت رأسها إليه ليقول بخفت حذر
-يلا نصلي ركعتين

-طيب...

قالتها بإهتزاز وهي تنهض بتعثر حتى وقفت خلفه وبدء
الصلاة.. كان صوته ذا بحة رخيمة رائعة أجبرت عيناها على
طفر العبرات تأثرًا بنبرته التي تقشعر رُغمًا عنها.. أنها
الصلاة وإستدار ليضع يده على رأسها ويتلو الدعاء بتمتمة
لم تسمعها منه

إنتفضت على يدها التي بدأت تحل وشاح الإسدال عن
رأسها لتجد نفسها تهتف بهلع

-مش هتطمن على نور!

-إبتسم بدفعي قائلًا: متخافيش هطمن عليها..بس مش
دلوقتي...

نهض ليمد يده إليها ينتظر أن تضع كفها به..ترددت قليلًا
ولكنها وضعت يدها به بالأخير..ليبتمس بدفعي أكبر جعلها
تبتمس لا إراديًا ليُمسك كفها الآخر هاتفًا بصوتٍ أجش
-مش هأذيكي متخافيش

-ردت بتلعثم: مش..مش خايفة

-ضحك وقال: طب بتترعشي ليه!..أكيد الجو مش برد...

تفاجأت من نفسها وهي ترى حقًا جسدها ينتفض بين يدها
ولم تعي أنه قد نزع عنها الإسدال وهي ترتجف بعنف..ألقاه
بعيدًا ثم حاوط خصرها بيده والآخرى على ذقنها ليرفع
رأسها ويتناول شفيتها برقة أذابتها سريعًا..وما أن إبتعد عنها
حتى إتسعت عيناه وهو يرى لوحة فنية بالغة

الفتنة.. عيناها مُغمضتين بقوة وأنفها قد ظهر على طرفه
 إحمرازًا طفيف.. أما وجنتها كانتا بلونٍ زهريٍّ بالغِ النعومة
 والأنوثة.. خصلاتها السوداء التي تُداعب منكبيها برقة ودلال
 جعلت أنفاسه تتحشج وهو يتحدى تلك الخُصلات أن
 يتذوقها نعومة كتفها كما فعلت هي.. إلا أنه سمع همستها
 التي أفقدته عقله

- جلال ملمسنيش أبدًا...

"عودة إلى الوقت الحالي"

ضحكٌ به خفوت وهو يتذكر إعصاره الذي سحقتها به بين
 أضلعه.. كان وكأنه يسبح على سحابة وردية تتقاذف من
 حولها المفرقات وتطير طيور الحب بأسهمها النافذة التي
 إخرقت قلبه

عاد من ذكرياته وهو يراها تتلملم به خفوت فمال إلى
 شفيتها الكرزية مُقطف ثمرة شهية خفيفة حتى فتحت

عيناها فإبتسمت.. ليبتسم إليها بنعومة ثم تشدق وهو
يقوم بإدارة إصبعه حول خصلتها

-صباح العسل

-فتحت ذراعها وقالت برفقة: صباح الخير يا حبيبي

-مال إليها وأكمل: صباح الورد والفل والياسمين...

وما بين "الورد" والفل" و "الياسمين".. كانت شفقتها تُداعب

شفقتها ووجنتها و عنقها البض.. لتضحك قائلة وهي تُبعد

رأسه عنها

-بس بقى أنت مش بتشبع!

Secrets Of Stories

-دفن وجهه بين خصلاتها وهمس: تؤ.. ولا عمري هشبع

-حكّت فروتها قائلة: طب هنروح فين النهاردة؟

-نفطر وأقولك...

ثم ربت على خصلاتها يُبعثرها ثم نهض والله وحده أعلم

كيف نهض وتركها دون أن يُشبع أشواقه.. ولكنه ليكن هيناً

معها فقد لاحظ رجفتها تلك المرة والمرة التي تلتها لذلك
ليترفق بها وبما مرت به.. فهي لم تكن سوى طفلة لتتحمل
كل ما حدث لها

تجمدت عينا جاسر قليلاً ولكنه قال بهدوء

-خمس دقائق بالضبط ودخله

-حاضر يا فندم...

ثم دلفت إلى خارج وأغلقت الباب..التفت جاسر إلى روجيدا
التي تساءلت

Secrets Of Stories

-مين رائف دا!

-أخذ جاسر نفساً عميقاً ثم قال: دا شريك جديد فشغل

هنا

-همهمت بصوتٍ خفيض: طيب

-إلا أنه أمرها بـ جفاء وتهديد: مسمعش صوتك ولا أشوفك
تبصليه...

رفعت عينها تنوي أن تسأله ولكن نظرة عيناه القاتلة
أوقفها لتزم شفيتها بـ ضيق وتصمت.. إلا أنه عاد وهتف

-إقعدني هناك.. وخذاري تسلمي عليه

-ردت عليه بـ مضمض: حاضر يا سي السيد...

ولكنه لم يرد بل تابعها حتى جلست وعاد هو ليجلس خلف
مكتبه بـ كل هيبة و وقار.. ليجد بعد دقائق صوت طرقات
هادئة يتبعها دلوف السكرتيرة يتبعها رائف الأسيوطي.. الذي
سبقه عطره إليها ف أرغمها على رفع رأسها وتأمله.. ففغرت
شفيتها وهي ترى ذلك الرجل الذي كان يبتسم إليها بـ
الأسفل.. عيناه الزرقاوتين اللتان تُجبران النساء على
التحديق بهما كثيرًا وبنيته الجسدية التي ماثلت ضخامة
بنية جسد زوجها وكأنهما ثيران بشرية.. لحيته الخفيفة التي
تُزيد من وسامته وخصلاته البنية الناعمة

إنتفضت على صوت زمجرة أفزعها وجعلت رائف يعقد

حاجبيه إلا أن جاسر هتف بجمود

-إتفضل يا أستاذ رائف..إقعده..

أرتفع حاجبي رائف وهو يستمع إلى كلمته الأخيرة التي

خرجت بـ قسوة وبعض الغل والغضب..أما عيناه العسلتين

والتي أقسم أنه رأى النيران تشتعل بهما غيرة..ليبترسم وهو

ما يرى إلا رجل عاشق يرى إمرأته تنظر إلى غيره..وهذا جعله

ينظر إلى روجيدا الجالسة على الأريكة تنظر إلى جاسر

نظرات يائسة..عقد رائف حاجبيه وهو يرى تلك المرأة التي

كانت تقف أمام المصعد..رغم قصر الحديث ولكنه إستطاع

إستنباط شخصية أنثى قوية ورائعة الجمال..أخفض عنها

وجهه وهو يلعن بـ سره على عيناه الخائنة ولكن تلك

الفيروزيتين العميقتين تُشبه قدحي القهوة الخاصة بزهرته

واللتان تتشابهان بـ خاصة روجيدا في ذلك العشق المنبعث

منهما

لينهض رائف بابتسامه ثم هتف بتهذيب دون أن يتقرب
منها

-صباح الخير يا مدام.. أكيد حضرتك زوجة جاسر بيه مش
كدا!...

همت أن ترد ولكن نبرة جاسر القوية الباترة وكأنها تقر واقع
الجمتها عندما هتف بجمود

-أيوة يا أستاذ رائف.. وأكيد حضرتك مش جاي عشان
تتعرف على مراتي

-إبتسم رائف ثم قال بعدما جلس: لأ طبعاً بس أنا شوفت
المدام تحت ومكنتش أعرف إنها زوجتك...
Secrets Of

إتمعت عسليتها ببريق شر وهو ينظر إلى روجيدا التي
أخفضت نظراتها بعيداً عنه.. ضرب جاسر على سطح
المكتب ثم قال بفضاظة

-يلا نبدأ وقت وبلاش نضيعه ونضيع وقتي على الفاضي

-لم يهتز رائف ليقول بهدوء رزين: تمام..يلا نبدأ...

مرت ساعتين أسوء ما مرت على روجيدا..على الرغم من مرور الوقت ولكنها لم ترفع وجهها خوفاً من نظرات جاسر التي يرمقها بها..وتعلم أنه يرمقها بنظرات إن رأتها لأذابت عظامها

رفعت روجيدا وجهها وهي تستمع إلى صوت رائف المودع ثم قال قبل أن يرحل

-متنساش الحفلة بكرة يا جاسر بيه..هستنى حضرتك
-إبتسم جاسر بإصفرار: حاضر يا أستاذ رائف..طبعاً
مقدرش أنسى...

أوما رائف برأسه ثم رحل..خطوتان..إلتهم المسافة ب
خطوتان ثم هدر وهو يقبض على ذراعها بشراسة
-عمالة تمليلي فجماله!..وبكل بجاجة بيقولي شوفت
مراتك تحت...

حكى روجيدا جبهتها تُحاول الهدوء ولملمة الموقف فقد
 إعتادت على شراسة غيرته ثم هتفت بـ إبتسامة
 -مش بعمل اللي قولت عليه دا.. أنا بس إستغربت منه.. يعني
 أول مرة أشوفه طبيعي يعني أقيمه
 -ضيق عينيه وهدر بـ عنف: بتقيمييه!.. دا أنتي كنتي بتاكلينه بـ
 عنيكى

-هدرت روجيدا هى الأخرى بـ غضب: مسمحلكش يا
 جاسر.. أنت عارف إني عمري ما كنت كدا ولا هكون.. وأنا
 مش مضطرة أخليك تقتنع بـ كلامي عشان أنا مش هكذب
 عليك...

Secrets Of Stories

صمتت وهى تستمع إلى صوت تنفسه الحاد والذي لفتح
 وجهها وكأنه ريح ساخنة أحرقت وجنتها.. فأخذت روجيدا
 نفسًا عميق ثم هتفت بـ نبرة ناعمة وهى تتلاعب بـ أزرار
 قميصه

يا حبيبي.. يا روح قلبي.. أنا مقدرش أبص لحد غيرك يا
 جاسر.. دا أنا أموت ولا أعملها.. أسفة لو كنت زعلتك
 -ليرد عليها وهو يُحرك جسدها بين يديه: أنا بغير.. عارفة يعني
 إيه بغير!.. يعني أحرق الأخضر واليابس لو بس شوفت حد
 ببصلك.. أنا مُتملك ف حبي ليكي.. أنتي ليا أنا وبس.. أنتي حقي
 اللي مش هتنازل عنه

-إبتسمت إبتسامة رائعة وهى تهمس بـ عذوبة: أنت محور
 حياتي.. عنيا مبتشوفش رجالة غيرك.. أنت بتمحي وجود أي
 حد لما بس بلمحك من بعيد
 -إبتسم جاسر بـ عشق ثم قال: أحسن.. ربنا يسخطهم قرود
 ف عينك...

ضحكت روجيدا وهى تحتضن خصره ليضمها إلى صدره
 ويستند بـ ذقنه على رأسها ثم همس بـ مُداعبة
 -دايمًا واكله بـ عقلي حلاوة كدا

-ضحكت مرةً أخرى وقالت:بس ب مزاجك

-همس ب حرارة:ما هو المصيبة إنه مش ب مزاجي...

رفعت رأسها إليه لتقبل ذقنه المُشذبة لتُلاحظ إلتواء تفاحة

آدم في حركة مُتوترة تعلم أنه يستهلك كل قواه العقلية كي

يتحكم ب نفسه وقد صدق حدسها وهب تسمع صوته

الأجش يهمس ب نبرة مبحوحة

-يلا نمشي عشان روموت التحكم عطل

-يلا...

نطقت بها وهي تضع يد حول خصره والأخرى فوق كفه

الموضوع على منكمها..ثم دلفا إلى خارج المكتب..ليرحلا

وقفا أما المصعد لتقول روجيدا ب توتر

-جاسر..أنا مش هنزل ب الأسانسير..أنا مش عاوزه أكرر اللي

حصل قبل كدا...

تتذكر مُنذ فترة ليست ببعيدة وهي تستقل المصعد لتأتيها
نوبتها ولكن من فرط خوفها..نزفت وإضطرت الذهاب إلى
المشفى لتطمأن على حالتها..وما أن عِلِم جاسر حتى تلبتسه
شياطين الإنس والجن ليقول بسخط

-هتاخدي أجازة من الكلية الهباب دي وع الله أسمع
إعتراض..الإجازة دي لحد أما تولدي..أما أشوف آخرتها
معاكي...

تلك الحادثة كانت بجامعتها ومن يومها وهي لا تخطو إلى
الجامعة..ليستخدم جاسر نفوذه ليحقق رغبته
إستفاقت على صوت جاسر وهو يتساءل بشك

-أومال طلعتي إزاي

-رفعت منكبها بساطة:على السلم...

إتسعت عينا جاسر ب عدم إستيعاب ليهدر بعدها بصوتٍ
جعل العاملين جميعهم ينتفضوا

-نعم..على السلم إزاي؟!...

نظرت روجيدا من حولها ب حرج وهى ترى الجميع ينظر إليهم
بتعجب لتهمس من بين أسنانها

-صوتك يا جاسر

-أشاح بيده وأكمل ب حدة:بلا صوتي بلا زفت..طلعالى الدور
العاشر على رجليها والمفروض مني أسقفك وأرشحك
للأولمبيات كمان

-همست بتحذير:جاسر!

-بلا جاسر بلا بطيخ بقى..أنتي ناسية إنك حامل...

زفرت ب يأس ولم تتحدث..ليضع يده ب خصره وظل ينظر
إليها ب غضب مُشتعل لتعود وتزفر ثم تساءلت ب قنوط

-هنعمل إيه!

-رد عليها ب ضيق:هنعمل إيه يعني..هننزل على السلم

-إتسعت عيناها وتساءلت:إزاي؟

-كدا...

هتف بها وهو ينحني ليحملها لتشهق ب فزع وهي تُحيط
عنقه.. إمتقع وجهها خجلاً وهي ترى الجميع ينظر إليهم ب
نظرات خبيثة مُبتسمة وهم يروا رب عملهم ب مشهد يُعد
ظاهرة كونية غير طبيعية الحدوث.. لتُخفي وجهها ب صدره
لتسمعه يهمس ب عبث

-متكسفيش يا مربى بالفراولة.. دا أنا كنت بعمل أكثر من
كدا

-شهقت ب فزع ثم هتفت وهي تضرب صدره: أسكت وأحترم
نفسك يا جاسر.. إحترم مكان شغلك...

كان قد تحرك بها ليهبط عدة درجات والجميع ينظر ب أعين
مُتسعة ليضحك قائلاً ب مكر
-الله يرحم الحقن اللي....

وقبل أن يُكمل كانت قد صرخت بـ خجل تُقاطع حديثه
المُخجل

-عشان خاطري بس..لمرة واحدة بس حاول تقول كلام

محترم

-لثم جبينها ثم تشدق:ومين معاكي يقدر يكون محترم...

هبط بها خمسة أدوار لتصر بعدها أن تُكمل الباقي تحت
مُعانده التي تُشبه مُعاندة البغال..ولكنه رضخ إليها بـ النهاية
حتى وصلا إلى السيارة ليستقلها ثم إتجهت بهما قبل أن
تقول روجيدا

-عاوزة أشتري هدوم يا جاسر..عشان اللي عندي ضاقت

-طالعها بـ نظرات وقحة قبل أن يتشدق بـ عبث:فعلاً تخنتي

خالص

-ذمت شفيتها بـ غضب قائلة:مش هرد عليك على فكرة

-مال إليها وهمس: يكون أحسن..عشان الشيطان مش هادي
وراسي أبدًا...

أغمضت عيناها بيأس وهى تُحاول قدر إمكانها تجاهل

حديثه الوقح أما الجميع ليقول بعد فترة

-تعالى..فى محل حلو شوفت فيه فستان عجبني

-أومأت برأسها قائلة:تمام...

وضع الهاتف على أذنه ثم هتف قائلاً بهدوء

-أيوة يا باشا..لسه طالع من الشركة ومعاها مراته

Secrets Of Stories

-أتاه صوتًا غليظ يهتف:خليك وراهم..وأى حد له علاقة بـ

الصيد خليك وراه

-أوامرك يا باشا...

ثم أغلق الهاتف وإنطلق بسيارته يتبع جاسر الصياد.. بينما
على الجهة الأخرى وضع الهاتف أسفل فاه وهتف بصوتٍ
قاتم

-الحساب يجمع يا بن الصياد...

وضع الهاتف وتناول حبة عنب وضعتها أيدٍ ناعمة بـ فمه وهي
تهمس بصوتها الناعم كالحريز

-ناوي على إيه يا سيد الناس!...

أمسك كفيها يُقبله ثم هتف بشر

-الطار

Secrets Of Stories

-عقدت حاجبها وتساءلت: هو مش كان خلص الموضوع دا

من سنين؟...

نظر إلى عينيها المغويتين بـ أخرى قاتلة ثم همس بـ نبرة

مُخيفة

-لو كان خلص ب النسباله..ف بالنسبالي هو لسه مبتدأش
أصلاً...

إبتلعت ريقها ب خوف من نبرته ونظراته التي تحولت إلى
أخرى لعودة لهتف وهو يتحسس جسدها

-ما تسيبك من الطار وتخلينا ف النار

-ضحكت ب صوتها الرنان ثم تشدقت: أوامرك يا سيد
الناس...

كانت السيارة قد توقفت ب إشارة مرورية.. وبينما جاسر و
روجيدا يتبادلان أطراف الحديث..حتى سمعا صوت طرقات

على نافذة مقعدهم..ليفتح جاسر النافذة وهو يعقد

حاجبيه ثم تساءل ب خفوت

-أقدر أساعدك بحاجة!

-إبتسمت السيدة وقالت ب عتاب طفيف: نستني يا أبني...

إزداد إنعقاد حاجي جاسر.. لينظر إلى روجيدا التي مطت
شفتيها ب جهل ليعود وينظر إلى وجه السيدة البشوش ثم
تشدق ب حرج

-أعذريني يا حاجة مش فاكر

-أبتسمت السيدة ب دفاء وقالت: مش مهم.. أنت ليك دين ف
رقبتي وكنت بدور عليك عشان أسدده

-هتف جاسر ب ذهول: دين

-أومأت برأسها قائلة: أيوة يا بني.. هفكرك...

وقصت عليه تلك الحادثة ذلك اليوم الذي وجد به رسالة
تهديدية مع صغيرته.. ليبتسم جاسر ب إشراق وهتف

-ياااه.. أنتي لسه فاكرة يا أمي.. قلبك أبيض

-هتفت السيدة ب إعتراض: لا أبدًا والله.. دا حقك...

وأخرجت من حقيبتها عدد من الوريقات المالية تمد يدها به
إلا أن جاسر أمسك يدها وقبّلها فخجلت السيدة ليقول
هو بابتسامة

-أنتي كدة بتشتميني يا أمي..إعتبريني إبنك زي ما قولتلك
يومها ورجعي فلوسك

-ردت السيدة بـ حرج:بس دا دين!

-ليرد بـ بساطة:وأنا مُتنازل عنه..وبعدين طلعيهم لله..في ناس
كثير محتجاهم أكثر مني...

-همت السيدة بـ الإعتراض ليقول بـ مزاح

Secrets Of Stories

-قلبك أبيض بقى

-لمعت عينا السيدة بـ سعادة ثم قالت بـ صدق:هو لسه فيه

ناس زيك!..روح يا بني ربنا ما يحرق قلبك على عزيز ليك أبدًا

-أمين..أمين يارب...

نفس الدعوة التي دعته قبل وقد تقبلها الله منها.. عسى أن
يتقبلها مرةً أخرى ولا يحرق قلبه على عزيزٍ لديه
نظر إلى روجيدا التي كانت تنظر إليه وعينات تلمعان بـ
عبرات ولكنها عبرات فخر وعشق ليمسح على وجنتها هامسًا
-بتبصلي كدا ليه!

-أراحت وجنتها على كفه وهمست: بدعي ربنا يحفظك ليا...
حاوط عنقها بيده ثم قرب رأسها إلى صدره يُقبل جبينها
لتتحرك السيارة حتى وصلت إلى المحل المطلوب.. هبطا من
السيارة ودلّفا إلى الداخل.. كان المحل راقى بحق.. وهادئ.. فـ
جذبها جاسر إلى أحد الأثواب ذالون أبيض من خامة
الحرير.. مُزين من الأعلى بالألئ من الأعلى والأسفل.. واسع
هههاف لا يظهر مُنحنيات جسدها إلا أنه بدا
رائع.. تصميمه الهادئ كان يُناسب ذوقها
حضرت العاملة لتقول بـ إبتسامة

-أقدر أخدمكوا ب حاجة!

-أشار جاسر إلى الثوب وقال:أنا عاوز الفستان دا

-نظرت العاملة إلى روجيدا وقالت:تجربيه الأول!

-أوكيه...

أخذته العاملة وتحركت إلى أحد غرف تبديل الثياب لتتبعها

روجيدا ف دلفت وقبل أن تُغلق الباب هتفت العاملة

-لو إحتاجتي حاجة ناديلي

-إبتسمت روجيدا قائلة:مرسيه...

أغلقت الباب وأستدارت تنزع ثوبها..أخذت الآخر وقد

تفاجأت بوجود سحاب..فتحتة وإرتدته وقبل أن تستدير

شهقت وهى ترى جاسر يدلف إلى الغرفة..وضع يده على

فاها ثم همس ب نبرة لعوب

-متفضحيناش

-هتفت ب صوتٍ مكتوم إثر يده:إطلع يا جاسر بطلّ قلة أدب

-إبتسم ب خبث وقال:وأضيع على نفسي فرصة المشاهدة
 -ردت عليه ب إمتعاض:ما أنت كنت هتشوفه برة
 -مال إليها وهمس:بره حاجة وجوة حاجة تانية خاالص...
 همس الكلمة ب حرارة ودفع جسدها ب جسده ويده على
 ظهرها العاري من الخلف..نظرت إليه روجيدا ب هلع
 وهمست ب رجاء
 -بلاش فضايح بالله عليك
 -دفن وجهه ب عنقها وهمس:فضايح إيه!..أنتي مراتي على
 سنة الله و رسوله...
 تحركت أطراف أصابعه على ظهرها ف أرسلت رجفة عنيفة
 جعلتها تتمسك به..هبطت يده إلى نهاية ظهرها لتصل إلى
 السحاب ف رفعه ب ببطء مُتمهل..وأصابعه تتعمد تلامس
 بشرة ظهرها ف تحرقها..وشفتاه تقوم ب عملها الإحترافي وهي
 تُقبل عنقها وفكها ب تمهل مُتخابث

أدارها لتنظر ب المرآة ثم أردف ويداه تتحرك على خصرها
ورأسه تستند على منكمها

-ملائكي...

إبتسمت وهي تنظر إلى عيناه التي تزداد توهج ك الشمس
تمامًا..تشعر بما تختلج نفسه الآن..لولا طفلها لما تحمل
قربها الذي يفتنه

أدارها إليه ثم أخرج أحمر شفاه من جيب بنطاله
ليفتحه..عقدت حاجبها ب غرابة ثم تساءلت
-بتاع مين دا!

-إبتسم إبتسامة جذابة وقال:مش فكراه...

هزت رأسها نافية..ليقوم ب إدارته و وضعه على شفاها تحت
ذهولها ثم تشدق ب نبرة عميقة وذات بحة رجولية
-دا صاحب الفضل فلقب فراولة..دا اللي ولع الشغف
جوايا ليكي..دا صاحب الفتنة الأولى...

كان قد إنتهى من رسم شفيتها بأحمر الشفاه الخاص بها
والذي سرقه منها مُنذ سبعة أعوام..عندما دلفت خارج
عُرفتها بتلك الكتلة النارية وأحمر شفاهها الذي تذوقه
وأصبح مهووسًا بهذا المذاق قرر الإحتفاظ به لنفسه
أدارها إلى المرأة مرة أخرى وهي لا تكاد تستوعب ما يحدث
حولها إلا أن جاسر تشدق وهو ينظر إليها ب المرأة
-كملت طلّتك...

وقبل أن تتفوه بكلمة كان قد أدارها إليه بعنف وإلتهم
شفيتها يتذوقها..كانت عيناها مُتسعة وهي تراه يهجم عليها
ويُزيل ب شفّتيه ما رسمته يداه..يضع يديه حول وجهها بقوة
وجسده يدفع جسدها إلى المرأة لتستند عليها
إبتعد عنها ولعق شفّتيه وكأنه يتذوق تلك القُبلة ليهمس ب
إفتنان وعينان ذات وهج مُشتعل
-متعرفيش أنا تخيلت المشهد دا أد إيه!...

ولم يكن أقل حلاوة من تخيله.. بل فاقه وزاد.. تمامًا ككل
 مرة يقترب بها منها.. نفس السحر والإحساس.. نفس المذاق
 والفتنة.. لم تختلف تأثيرها عليه منذ سنوات وكأنه يقترب
 منها لأول مرة.. ولا يزال المذاق الذي يحبده.. الفراولة
 الطازجة

دلف خارج الغرفة تحت أنظار العاملة التي إتسعت عيناها
 بذهول وخجل.. تبعته روجيدا التي تُخفض رأسها خجلًا
 وإحمرار وجنتها أنبئها بما حدث بالداخل
 حاوط جاسر خصر روجيدا ليضع الثوب بيدها ثم قال بلا
 مُبالاة

Secrets Of Stories

-هناخده...

ثم تحرك وتركها تُعاني الدهول.. لتنظر إليه يُعيد ترتيب
 خُصلاته الفحمية واليد الأخرى تُقرب روجيدا إليه
 أخذ الحقيبة البلاستيكية منها ثم تشدق بعبث قبل أن
 يخرج

-محدث يساعد مراتي وأنا موجود...

ثم غمزها ورحل..لتنظر إلى روجيدا التي كادت أن تبكي
خجلاً مما يتفوه به الأحمق..بقت العاملة تُحدق بـ إثرهما بـ

ذهول لتُتمتم بـ نبرة مبهوتة

-الراجل دا أكيد فمخه حاجة....



الفصل الثالث

سوف أحبُّك عد دخول القرن الواحد والعشرين

وعند دخول القرن الخامس والعشرين

وعند دخول القرن التاسع والعشرين

و سوف أحبُّك حين تجفُّ مياهُ البحْرِ

و تحترقُ الغابات

أغلق أزرار من قميصه ثم هتف بصوت عال

-يلا يا مروة..هنتأخر-

-ردت عليه مروة وهي تفتح الباب: خلاص جيت أهو...-

نظر إلى هيئتها البسيطة بد نظرها والمهلكة بد نظره..ف كانت

ترتدي كنزة من الشيفون ذات لون أبيض وعلى مُزينة بد

بعض الكريستالات الذهبية و تنورة من اللون الأسود مُزينة

بد فراشات بيضاء..تسدل بد إتساع كبير لتُخفي مفاتها..أما

وشاح رأسها فكان من اللون الذهبي ولكن تطايرت بعض

الخُصلات خارجه.. أما زينة وجهها فعينها حددتها بكحل
 أسود وبعض أحمر الشفاه ذالو بني داكن
 حبس شريف أنفاسه وتصاعدت ضربات قلبه.. إستند على
 طاولة الزينة وبقى يتأملها على مهل.. بالرغم أن الثياب
 تُخفي جميع مفاتها ولكن هيئتها فتنة لناظر.. أغمض عيناه
 ثم تشدق بكشونة
 -تعالى هنا...

إبتسمت مروة بكإساع ثم تقدمت إليه تتهادى بكخطوات
 جعلت عيناه تحتقن وبعض السباب اللاذع يخرج من بين
 شفثيه.. وقفت أمامه لهتف وهو يتفحصها للمرة التي لا
 تعلم عددها

-إيه اللي أنتى لابساه دا!

-نظرت إلى ثيابها ثم إليه وهتفت بكبراءة: ماله!.. ما هو واسع
 -تمتم بكإمتعاض: ما المشكلة أنه واسع...

ضحكت مروة وهي تتقدم خطوة أكثر ثم عدلت ياقة

قميصه لتقول بابتسامة لعوب

-ممكن أغيره وألبس حاجة أضيق على فكرة

-ضيق عيناه وهتف بـ شرع الله تعملها يا مروة

-قبّلت وجنته بـ نعومة هاتفة: مقدرش أصلاً...

لم تشعر بيداها التي إلتفت حول خصرها ليجذبها إليه على

حين غرة ثم رد قبّلتها على وجنتها المُقابلة لخاصته ليمس بـ

صوتٍ أجش

-مش لازم شهر غسل وزفت.. الوقت بتاع السفر إحنا أولى

Secrets Of Stories

بيه

-زمت شفّتها بـ خجل قائلة: عيب كدا يا شريف...

قبّل زاوية شفّتها ثم نظر إلى عينها بـ عينين عاصفتين

وتشّدق

-هو إيه اللي عيب!.. أنتي مراتي على ما أظن

- رفعت ذقنها بـ غرور رادفة: وعشان مراتك لازم تحترمى...
 صرخت بـ جزع وهى تشعر بـ نفسها تطير بـ الهواء محمولة
 بين ذراعيه ثم سمعت نبرته العابثة

- دا أنا هحترمك إحترام.. محدش إحترمه قبل كدا
 - حاوطت عنقه هاتفة بـ تلعثم: هنتأخرع السفر
 - لثم فكها هاتفاً: مش مهم
 - أغمضت عيناها ثم هتفت بـ خوف: هتسوق بالليل...
 وضعها على الفراش وبدأ فى نزع وشاح رأسها ثم همس وهو
 يُقبل ما بين عينيها
 - بحب أسوق بالليل
 - بس آآآ...

ولكن لم يُقدر لإعتراضها النجاة فتاهت بين شفثيه و
 السفر عليه أن ينتظر طويلاً

-خدي يا روجيدا تعالي هنا

-مش جاية...

تجاهلت نبرته الجمهورية وتحركت أسرع منه حتى وصلت إلى

الدرج ليعود ويهدر بنبرة جمدها أرضاً

-أنا قولت تعالي...

زمت شفيتها والتفتت إليه على مضض.. ليتحرك بسرعة

حتى وصل إليها ثم تشدق بقوة

-مممكن أفهم حضرتك لاوية بوزك ليه!

Secrets Of Stories

-إحتدت عيناها وهدرت:والي عملته فالمحل دا اسمه إيه!

-إلتمعت عيناها ببريق عابث ثم قال ببرود:واحد وبيساعد

مراته..كان ينفع أسيبها لحد غريب

-لأ بس خلي منظرنا زي النيلة قدام الناس

-وضع يده على وجنتها وقال:هما قفشونا فوضع مُخل
للآداب لسمح الله؟...

أبعدت يده عن وجنتها وظلت تنظر إليه بغيظ ليُحيط
خصرها قائلاً بعبث

-وبعدين كنتي وحشاني أعمل إيه..الشوق غلاب

-حاولت نزع يده لتهدر:شوق إيه يا أبو شوق!..دي قلة أدب
وسفالة وبتخلي منظرنا زي الزفت قدام أي حد

-ضاقت عيناه بحدّة ليهتف:روجيذا!..محصلش حاجة لكل
دا يعني...

ضربت ذراعيه ليبتعد عنها..إلا أنه لم يبتعد لتصرخ روجيذا
بغيظ هاتفة بـ عنف

-إبعد عني يا جاسر..عشان أنا مش طايقة نفسي

-مالكوا يا ولاد صوتكوا جايب آخر الدنيا!...

نظر كلاً من جاسر و روجيدا إلى صوت فاطمة الذي صرح
من الأسفل وببداها جُلنار المُنشغلة بتناول شطيرة..ومن
خلفهم سامح و نادين اللذان عادا حديثاً من
سفرتهما..ليضع جاسر يد على فكه ثم قال بهدوء

-مفيش يا أمي..روجيدا تعبانة

-رفعت الصغيرة وجهها ثم قالت ببراءة: خلاص يا بابتي إديها
الحقنة بتاعتك وهي هتبقى كويسة

-تساءل سامح ب عدم فهم: حقنة إيه دي!

شهمت روجيدا بخجل و وضعت رأسها ب صدر
جاسر..الذي نظر إلى الصغيرة بتحذير إلا أنها أكملت ب

توضيح

-أصل مامي أما تكون تعبانة..بابي بيديها حقنة وبيقولي
"غمضي عينك يا جُلنار" ولما بفتح مش بلاقي حقنة سألت
بابي فقالي "دي حقنة سحرية"...

ارتفع حاجبي سامح بدهوة ما لبثت أن تحولت إلى
خُبث.. ثم تطلع إلى نادين التي تُطالعهم بنفس النظرة هي و
فاطمة.. وضع جاسر يده على عيناه ثم همس بيأس

-منك لله يا بنت المفضوح...

إلتفت على صوت سامح الخبيث

-جری إيه يا عم جاسر.. حقن سحرية يا راجل!

-هدر جاسر دون أن ينظر إليه: خد مراتك وأختي من

قدامي يا سامح أحسنك.. وأنتي يا أمي أبلعي الضحكة

ونامي...

نظر إلى روجيدا التي تبكي خجلاً ليقول بدخسونة وغضب

-وأنتي إطلعي

-همست بد صوتٍ مُختنق: مش قادرة أطلع

-كملت...

نظر ب طرف عينه اليُسرى ليجد أنهم جميعًا أختفوا.. ليعود
وينظر إلى روجيدا هامسًا بوعيد

-عارفة لو اللي ف بطنك طلعتوا من عينة المفضوحة

الكبيرة!.. هرجعهم بطنك تاني وأقفل عليهم.. أنا ناقص...

لم ترد روجيدا عليه من كثرة الخجل.. فلم يجد جاسر بدءًا
من حملها كما فعل ب شركته.. ف

حملها بين ذراعيه المفتولتين ثم هتف ب نبرة تهكمية

-هو أنتي حامل ف بيبيين ولا بغلين

-شهرقت ب إستنكار قائلة: بغلين!.. والله ما في بغل غيرك...

ضرب جبهتها ب خاصته ثم تشدق ب تحذير وهو ينظر إلى

عينها

-لأ نلم لسانا يا حته مربى عشان أنتي ف مرحلة حرجة

ومخلكيش تولدي مُبكر

-أغمضت عيناها ثم أردفت بـ عصبية:نزلي يا جاسر..أنا
غلطانة إني هجبلك بيهمين يا جوز المربي...

نظر إليها شزراً ثم قال بـ تهكم وهو يصعد الدرجات

-بسم الله ما شاء الله نفس لماضة المحروسة جُلنار هانم
بنت جاسر باشا...

رُغمًا عنها ضحكت ليضحك هو الآخر ويضمها إلى صدره
ليقول بـ نبرة يائسة

-بنتك دي محتاجة لسانها يتقطع من لغلوجة

-وضعت وجهها بـ عنقه وقالت:ما لو أبوها مُحترم

Secrets Of Stories

-تراقص بـ حاجبيه قائلًا:واللي يبقى معاه حتى مربي

بالفراولة ينفع يكون مُحترم برضو!..لأ يا شيخة قولي حاجة
تتصدق...

كان قد وصل إلى عُرفتهم ليضعها على الفراش بـ رفق ثم

إنحنى ينزع عنها حذاءها الرياضي..وهتف بـ تهكم

-يا عضمك يا رضا

-ضحكت روجيدا قائلة: أنت اللي كبرت

-كبرت مين يا أم كبرت.. أنتي اللي تقلتي

-نظرت إليه ب حدة وقالت: بسبب عيالك على فكرة...

إبتسم ب حنو وهو يُقبل بطنها المنتفخ ثم همس ب نبرة تحمل

عاطفة أبوية

-هانت كلها كام شهر وتيجوا تنورا...

وضع يده يتحسس هذا الإنتفاخ.. ثم إنحنى يُقبل جبهتها

هاتفًا

Secrets Of Stories

-أنا هدخل أخذ شاور وأجيلك

-إبتسمت ب عمق وقالت: طيب...

جذب ثيابه من الخزانة ثم توجه إلى المرحاض ليأخذ

حمامًا.. ليخرج بعد خمسة عشر دقيقة فوجد روجيدا قد

أبدلت ثيابها..تقدم منها وأحاط خصرها ثم همس وهو
يُداعب أنفها

-مش هتاخدي شاور ولا إيه!

-إبتسمت وقالت:لأ مش قادرة بصراحة

-ليرد عليها ب خبث:طب دا أنا هساعدك

-ضيق عيناها ثم قالت ب خبث:وعشان كدا مش عاوزة

أخذ شاور..ويلا عشان الغدا...

ضحك ب صخب لتبتسم وهي تنظر إلى وجهه ب حب..لتجده

يُمسك كفها ويسحبها خلفه قبل أن يقول

Secrets Of Stories

-مش عوزاني أشيلك!

-نظرت إليه ب نصف عين قائلة:مش كان من شوية يا

عضمك يا رضا

-ضرب منكمها قائلاً:دا بهزر معاكي...

ثم مال إلى أذنها وهمس بعبث

-لأ دا أنا شباب وأعجبك

-إبتسمت بنعومة قائلة: أنت قليل الأدب يا روجي...

ضحك جاسر مرةً أخرى ليدنو منها ويُقبل وجنتها بـ خفة ثم

سحبها خلفه

كانت تضع رأسها على صدره وهما يتوجهان إلى مدينة شرم

الشيخ التي يُسافرانها بالطائرة ليهمس شريف بهدوء

-مبسوطة!

-رفعت مروة رأسها ثم قالت مُبتسمة: أنت إيه رأيك؟

Secrets Of Stories

-لثم وجنتها هامسًا: رأيي هعرفهولك لما نوصل...

ضحكت وهي تضع يدها على فاهها بخجل..لم تُصدق أن

شريف أصبح زوجها أخيرًا بل و يُسافران لقضاء شهر

العسل الخاص بهم..شددت من إحتضانه لخصرها ليعود

هو و يُقبل جبينها بـ حرارة وعمق أكبر هامسًا بـ نبرة عذبة

-بعشقتك يا مروة

-وأنا بموت فيك يا روح مروة...

وبعد مدة وصلا إلى الميناء الجوي ثم توجهها إلى الخارج
ليستقلا أحد سيارات الأجرة المصفوفة التي إنطلقت نحو
أحد الفنادق..وبعد أن وصلا ترجلا من السيارة ثم توجهها إلى
النزل

كان النزل يطل على البحر مباشرة..لم يكن أفخم ما قد
يجده ب المدينة الساحرة ولكن أعجبه التصميم وجوه
الهادئ

بعدهما أخذوا مفتاح جناحهما صعدا إليه ب المصعد ثم توجهها
إلى الجناح..وضع العامل الحقائب وما أن خرج حتى أغلق
شريف الباب وإتجه إلى مروة التي تتفحص الجناح

كان به غرفة نوم مُستقلة ب حوض إستحمام يُحيطه زجاج
غير شفاف وشرفة واسعة تطل على البحر الأحمر..وغرفة
أخرى بها أريكتين وتلفاز

إحتضن شريف خصرها ثم تساءل وهو يضع ذقنه على

منكمها

-عجبك

-أردفت بسعادة:جداً..جميل أوي...

أدارها شريف إليه وبلا مُقدمات كان يميل إلى شفيتها

هامساً ب عذاب

-وحشتيني أوي

-أبعدت وجهها قائلة ب دلال:لحقت...

نزع ستره حلتة ليُقبل فكها قائلاً

Secrets Of Stories

-لحقت..أحمدي ربنا إني عرفت أمسك نفسي

-إبتعدت خطوتين قائلة:طب أنا عاوزه أنزل البحر...

جذبها إليه ثم رفعها بين ذراعيه وقال

-نص ساعة وننزل

-رفعت حاجبها بشك: نص ساعة.. نص ساعة

-ضحك وقال: نص ساعة أس أربعة...

بعدها تناولوا الإفطار بـ أحد المطاعم القريبة من البحر

أخذها صابر إلى المعمورة ليقضيا باقي يومهما

هناك.. وأصرت بسنت بـ عناد أن يستقلا "أتوبيس

الشعب".. وكانت فكرة أكثر من سيئة وذلك الزحام كاد أن

يُطبق على أنفاسهما ليقول صابر بـ غيظ

-عايزة أركب الأتوبيس يا صابر.. عاوزه أركب أتوبيس

الشعب يا صابر.. أديكي هتتفعصي من الشعب يا بسنت

-ردت عليه بـ حدة: الله وأنا أعرف منين يعني

-أشار بـ إصبعه على رأسها قال: ما هو لو دا يسمع كلامي

ويبطل عناد.. مُكنش دا منظرنا...

كانت الحافلة قد تحركت لتتحرك معها بسنت ف أمسكها
صابر من خصرها يُقرّبها إليه ويقمها من الصدمات..بينما
أمامها قد مال رجلاً عن عمد بها ليدفعه صابر بعنف هادراً
بنبرة جهورية

-ما تحاسب يا راجل أنت

-ليرد عليه الرجل بحدة: جري إيه يا أخ!!..أنا جيت ناحيتك
-رمقه صابر بنبرة قاتلة قبل أن يهدر: لأ مجتش وفكر كدا
تيجي عشان أخط رقبتك تحت عجلة الأتوبيس دا...
رمقه صابر بنظرات نارية قاتمة أسرت الرعب بجسد
الآخر ف أشاح بوجهه بعيداً عنه..لتمس بسنت لتهدئة
الموقف

-خلاص يا صابر..محصلش حاجة

-أسكتي أنتي

-أتهما صوت سيدة تقول بتهكم: ما أنت شكلك كُبرة يا
 أخيـنا..بتتهدل ف الموصلات دي ليه..إركب تاكس أحسنلك
 -رد عليها صابر بنبرة سوداء: خليك ف حالك يا حاجة..عشان
 الواحد مش ناقص...

تأففت السيدة ب ضيق ولم ترد عليه..بينما شدد هو من
 إحتضانه لبسنت إلى صدره ليهمهم ب ضيق
 -أنا مش عارف إيه اللي خلاني أطاوعك

-ردت بسنت بـلُطف: خلاص بقى يا حبيبي..مش هتتكرر
 تاني...

تأفف صابرو لم يرد بل بقى ينظر إلى ذلك الرجل ب نظرات
 قاتمة جعلته يوقف الحافلة ويترجل منها

بعد ستون دقيقة قد وصلا إلى المعمورة ليترجلا من الحافلة
 وبدأ يومهما..توجهها إلى الشاطئ وجلسا على أحد المقاعد
 الخشبية لتقول بسنت ب حماس

-أنا عاوزة أنزل البحر...

وضع صابر نظارته الشمسية فوق رأسه وتساءل بهدوء
خطير

-وهتنزلي إزاي بهدومك!

-لترد بسنت ببراءة: منا معايا مايوه

-إنتفض هادرًا: معاكي إيه يا روح قلبي!.. أصلي مسمعتش

-أردفت بسنت بحنق: إيه يا صابر فيه إيه!

-نظر إليها بحدة ثم تشدق: هو إيه اللي يا صابر في

إيه؟.. مراتي أنا تلبس مايوه قدام كل الخلق دي...

Secrets Of Stories

أشار إلى عدد كبير من البشر المتواجدين بينهم لتزفر بسنت

بقنوط قائلة

-على فكرة مايوه مُحترم ومفيهوش حاجة مُلفتة

-إندفع قائلًا: إذا كان كلك على بعضك مُلفتة...

فتحت فمها تنوي الحديث ولكنها توقفت وإبتسمت لتقول بـ
مكر أنثوي

- أنت شايفني مُلفتة!..طب إزاي؟

-رد عليها دون النظر إليها: عفوية وشقية زيادة عن اللزوم فـ
بتلفتي النظر.. بريئة وشبه الجنية ف نفس الوقت...

وأخيرًا نظر إليها وقال بـ إبتسامة رائعة جعلت بسنت تبتسم
لإبتسامته

-أومال أنا وقعت إزاي!...

-ردت عليه بـ نبرة عذبة: يمكن أنت بس اللي شايفني كدا

-حرك رأسه نافيًا ثم قال: لأ دي أنتي.. شخصيتك اللي كونتها
ومكنش ف إيد العبد لله إنه يقع ليكي من غير رحمة...

كان الجميع يتناول الطعام بـ صمت قبل أن يقطعه سامح
بـ سؤاله الخبيث

-إلا مقولتليش يا جاسر..إيه نوع الحقنة السحرية
دي!!..أصلي بتعب الفترة دي جامد والدكتور موصي على
حقن كثير...

إبتعلت نادين ما بـ جوفها بـ صعوبة تكاد تنفجر
ضحكًا..لينظر إليه جاسر شزراً قبل أن يهتف بـ هدوء
-أنا أعرف حقنة عضل ترقدك ف السرير ست أشهر يا ابن
فاطمة

-ضحك سامح وقال بـ مرح:مكنش العشم يا كبيرنا
-معلش أصلي قليل الأصل بقى...
ضحكت روجيدا بـ خفوت ليميل إليها جاسر يهمس بـ نبرة
ذات مغزى

-دلوقتي بتضحكي!!..ومن شوية كنت بتعيطي من كسفتك
-ردت عليه بـ بساطة:هذة نقرة وهذة نقرةً أخرى
-إلتوى فمه بـ تهكم قائلاً:هذة نقرة وهذة معرفة يا فراولة...

ضحكت روجيدا ثم رفعت ملعقتها إلى فمها تتناول
العشاء.. لينظر إليها جاسر بابتسامة.. قبل أن يلتفت على
صوت الصغيرة يهتف ببراءة
-بابي.. أنا عاوزة لما أتعب أخذ حقنة سحرية زي بتاع مامي...
إستمع جاسر إلى ضحكات نادين وسامح دون النظر إليهما
ليميل إلى الصغيرة ويهتف بحنق
-خليكي فضحاني قدام اللي يسوى واللي ميسواش
-لتقول نادين من بين ضحكاتهما: مكنش العشم يا جاسر
-نظر إليها جاسر ليردف بضييق: إخرسي يا ست نادين
ومتعوميش على عوم جوزك
-رفع سامح ذراعيه قائلاً ببراءة: برى المرادي...
ضييق جاسر عيناه بحدة قبل أن يميل إلى الصغيرة ويهمس
بأذنها
-شوفي يا جُلنار.. مش أنا أبوكي أهو...

أومات جُلنار برأسها دون أن تنظر إليه وهي ترفع الملعقة إلى
فمها فأكمل جاسر همسه

-بس أقسم بالله ما طايقك و ندمان ندم عمري إني خلفتك
والله.. وصدقيني ف أقرب فرصة هرميكي ف أي ملجأ وأخلص
من لسانك اللي طولك

-ردت الصغيرة ببراءة: مش تقدر عشان أنت بتحبنى

-دفع رأسها ب خفة من الخلف هامسًا ب غيظ: ما حظي
الأسود اللي منقط ب أسود وفيه خطوط أسود من قرن
الخروب إني بحبك.. بس أنتي عارفة يا بت يا جُلنار

-نظرت إليه الصغيرة ب إهتمام لتسأل: إيه يا بابتي؟!

-وضع يده أسفل ذقنه قائلاً: أنتي جاية تخليص حق.. وتكفير
ذنوب.. أي والله بكلمك ب الأمانة يعني

لم يبدُ على الصغيرة أنها فهمت لترفع منكبيها ب فتور وأكملت
طعامها.. ليعتدل ب جلسته وتميل إليه روجيدا هامسة

-كنت بتقول لها إيه!

-إبتسم ب سماجة رادفًا: لا أبدًا دا أنا بقولها الوصايا السبعة

بس...

حركت روجيدا رأسها يأسًا ولم ترد..إلا أن جاسر هتف

فجأة وهو ينظر خلف نادين وسامح و والدته

-إيه دا!...

إستدار الجميع ليستغل جاسر الفرصة وينحني إلى ثغر

روجيدا يُقبله ب خفة غامزًا لها ب عبث لتشهق ب خفوت و

وضعت رأسها ب صحنها خجلًا..إستدارت والدته تسأله ب

حيرة

حيرة

-أنت شوفت إيه

-إبتسم جاسر وقال ب مكر: متاخدش ف بالك يا أمي..كان

بيته يقلي

-رفعت والدته منكبها قائلة: طيب...

أما سامح فقد نظر إلى شقيقه بابتسامة عابثة ليُبادله
 جاسر المثل فضحك أخيه قائلاً بخبث
 -وأنا برضو إتهيقلي إني شوفت حاجة
 -عقدت نادين حاجبها وتساءلت: شوفت إيه!
 -غمزها سامح قائلاً: في الأوضة أبقى أقولك...
 شهقت نادين بـ خجل وقد تضرجت وجنتها بـ حُمره ماثلت
 حُمره روجيدا التي همست بـ يأس
 -لا أنت ولا أخوك طنط فاطمة عرفت تربيكم
 -ضرب منكها بـ خاصته ثم همس بـ عبث: ولا أي حد شايل
 -چينات الصياد.. وبنتك المحروسة تشهد...

بعدهما إنتهى العشاء الكارثي صعد جاسر إلى غرفة مكتبه
 يُنهي أعماله و روجيدا إتجهت إلى جناحهما لتستريح.. وما أن
 إنتهى من عمله توجه إليها

وجدها تجلس على الفراش تضع سماعات الأذن وتقرأ أحد
 الكتب الثقافية.. وترتدي!.. حتمًا ما ترتديه ما هو إلا وسيلة
 تعذيب قاسية.. فكانت ترتدي كنزة صفراء ذات حمالات
 رفيعة معقودة على منكبيها بأشواط وأنسدل كلاهما
 عنها.. ضيقة تبرز إنتفاخ بطنها بوضوح.. وسروال قصير
 يتدلى على جانبيه حبلان قررا عقدهما إلى أعلى بطريقة
 جعلت حرارته ترتفع أما خصلاتها المرفوعة بوضعية
 طفولية رائعة جعلته يهمس بحرارة

-هو الجو حر ولا أنا اللي بردت!..

إنتهت روجيدا لوجود جاسر.. لتبتسم بإشراق قائلة

Secrets Of Stories

-واقف كدا ليه يا حبيبي!.. تعالى

-رد عليها بلهفة: من عنيا...

إتجه إليها ليجلس على الفراش ثم جذبها إليه لتجلس بين
 أحضانها.. ضحكت روجيدا وهو يُقبل عنقها بقبلات خفيفة
 ليجذب أحد سماعتها مُتسآلاً

-بتسمعي إيه!

-عبد الحلیم...

"على حسب الريح ما يودي ما يودي الريح ما يودي"

"وياه أنا ماشي ماشي ولا بيدي"

"معرفش إن كنت مروح ولا أمتي الهوا حميدي"

ضحك جاسر ليقول وهو يحاوط خصرها قائلاً

-صحيح هيدي أمتي!

-وضعت يدها على وجنته هاتفة: لما تبطل تحبني

-قبّل وجنتها ثم تشدق بصوت أجش: يبقى مش هيدي

أبدًا.. وإحتمال يتحول لإعصار...

ضحكت روجيدا لتجد جاسر يجذب الكتاب من يدها ليقراً

سطران يتحدث فيهم عن المشاكل الإجتماعية.. ليُلقيه بـ

إهمال قائلاً بـ عبث

-مشاكل إجتماعية إيه بس!..خلينا فنزار قباني دلوقتي...

"يا مغزولةً من قطنٍ وغمام"

"يا أمطاراً من ياقوتٍ"

"يا أنهاراً من نهوندٍ"

"يا غاباتٍ رخام"

"يا من تسبح كالأسماكٍ بماءِ القلبِ"

"وتسكنُ في العينينِ كسربِ حمامٍ"

إبتسمت روجيدا وهي تستمع إلى كلماته الغزلية لتضم
نفسها إلى صدره هامسة

Secrets Of Stories

-يا من هواه أعزني ولم يزلني أبداً...

"وأهي دُنيا بتلعب بينا يمكن ترجع غناوينا"

"وتكون معاه تاني يا بوي أيام حلوة وحكايات"

"على حسب وداد قلبي يا بوي"

الفصل الرابع

وَيُلَاهُ مِنْ نَارِ الْهَوَى

وَأَهٍ مِنْ طُولِ الْجَوَى

أَرْسَلْتُ طَرْفِي رَائِدًا

فَمَا عَلَا حَتَّى هَوَى

وَسَارَ قَلْبِي خَلْفَهُ

فَلَمْ يَعُدْ حَتَّى اُكْتَوَى

قَدْ طَالَمَا زَجَرْتُهُ

يَا لَيْتَهُ كَانَ اِرْعَوَى

لِكُلِّ شَيْءٍ آفَةٌ

وَأَفَةُ الْقَلْبِ الْهَوَى

كانا يتناولان الإفطار في جو هادئ بد أحد المطاعم أمام

البحر لتقول مروة بد ابتسامة

-حبيبي!

-قلب حبيبك

-أكملت بدعومة:عاوزة أقعد ع البحر شوية بعد أما نفطر

-بس كدا..زي ما الأميرة تطلب...

إتسعت إبتسامتها ثم أكملت طعامها وما أن إنتهيا حتى جلسا

على رمال الشاطئ..تشابك كفيهما ليقول شريف وهو ينظر

إليها

-لحد دلوقتي معرفش عنك حاجات كثير

-أراحت رأسها على منكبه وقالت:والمطلوب!

Secrets Of Stories

-إحكيلي عنك كل حاجة..مش عاوزك تخبي عني أي حاجة...

إعتدلت بدجلستها لتجلس أمامه ثم رفعت نظارتها الشمسية

هاتفه بدإبتسامة عميقة

-بص يا سيدي..أنا زي ما أنت شايف اسمي مروة

منصور..عندي ثلاثة وعشرين سنة خريجة كلية آداب..ماما

ماتت وأنا عندي سنتين.. ملحقتش أتعرف عليها بس بابا كان
بيحكيلي عنها على طول

-وعم منصور مفكرش يتجوز!

-حركت رأسها نافية: خالص.. هو كان مُخلص لماما جدًا
ومرضاش يتجوز

-تنغضت تعابير وجهه وهو يسأل: محبتيش قبل كدا؟

-إرتفع حاجبها وقالت بدهشة: أنت واعي ل اللى بتقوله!...

رغم صعوبة ما سيتفوه به إلا أنه أجبر نفسه على الإكمال

هاتفًا ب هدوء ظاهري عكس تلك الحمم بداخله

-أيوة واعي.. مفيش حد محبش قبل كدا.. كلنا بنمر ب فترة

لازم نحب فيها حتى ولو بينا وبين نفسنا

-ضيق عيناها وتساءلت: وأنت محبتش قبل كدا!

-أجابها بنبرة ماكرة قليلاً: أنتي عارفة...

إحتقت عيناها لتقذفه بحفنة من الرمال قائلة ب غضب

-ولك عين تقولها فوشي!...

نفض الرمال عن قميصه ليقول ضاحكًا

-الله.. ما على يدك أنتي اللي فوقتيني.. وبعدين أنتي سألتني وأنا

جاوبت

-لوت شدقها بـ إمتعاض ثم هتفت: كان ممكن تنكر على

فكرة

-إزدادت ضحكاته ثم تشدق من بينها: أنكر إزاي يعني!..

تأففت مروة بـ ضيق لتدير وجهها بعيدًا عنه.. ليضع إصبعيه

أسفل ذقنها ليدير وجهها إليه مرةً أخرى ثم قال بـ هدوء

Secrets Of Stories

-مجاوبتنيش على سؤالتي.. حبيتي قبل كدا؟

-حركت رأسها نافية وقالت: تؤ

-إرتفع حاجبيه بـ دهشة وقال: ولا أعجبتني بـ حد!

-إبتسمت بـ خُبث وأجابت: من حيث الإعجاب.. فهو يوووو

كثير جدًا

-عقد حاجبيه ب غضب وهدر: كثير.. جدًا!

-أومأت ببراءة: أه والله.. بداية من الواد اللي كان معايا ف

"ستة-رابع" لحد دكتور ال

-قاطعها ب إنفعال صارخًا بوجهها: بسس.. خلاص مش عاوز

أسمع منك حاجة...

إنتفضت من هجومه عليها ولكنها إبتسمت إبتسامة صغيرة

سُرعان ما قتلها قبل أن يُعنفها لتقترب منه ثم قالت ب

نعومة

-خلاص يا شريف.. دا كان من زمان وبعدين أنا بحبك أنت

Secrets Of Stories

وبس يا سيادة الظابط

-غمغم ب ضيق: اسمها حضرة الظابط

-ضحكت واضعة يدها على فاهها ثم قالت: حاضر.. أسفة يا

حضرة الظابط...

نظر إليها ب نصف عين ليقول ب خبث دون أن يلتفت إليها

-طيب صالحيني

-أصالحك إزاي؟!

-كدا...

قالها وهو يُشير إلى وجنته الحليقة..لتعود وتضحك ثم

هتفت وهي تقترب بوجهها منه

-أمري لله..من حق الجميل يدلع...

كانت قد إقتربت من وجنته ولكن عوضاً أن تسقط شفاها

عليها إستدار شريف سريعاً لتقع القُبلة على

شفتيه..إبتعدت صارخة ما أن إستعابت ما يحدث لتهمس

Secrets Of Stories

بإرتباك وخجل

-أنت مش محترم على فكرة..مش فيه ناس...

عاد بجزعه إلى الخلف ليستند بكفيه على الرمال

أسفله..لتتسع أبتسامته الواثقة رادفاً بنبرة أثارت حنقها

-وهو أنا معدوم الرجولة عشان أعمل كدا قدام

الناس!.. الشط فاضي يا كورتي

-زمت شفيتها ب حنق وقالت: حتى لو كدا.. إفرض حد شافنا

من الأوتيل

-لأ فدي عندك حق.. بس محدش شافنا متخافيش...

حركت رأسها بيأس لتعود وتجلس ب جانبه ب نفس

وضعيته.. لتجد أنامله تقترب وتتشابك مع خاصتها لتبتسم ب

إشراق وخجل.. وجدته يميل إليها وهمس ب نبرته الرجولية

-بحبك يا كورة الشعر...

ضحكت ولم ترد ف عادت تضع النظارات فوق عينيها تنظر

إلى البحر أمامها.. ليبقى هو يُحدق بها لمدة طويلة دون أن

يشعر ب أي ملل.. مُراقبتها لذة وكأنه يستكشف غابة لا بداية

ولا نهاية لها.. جذبته كما الرمال المتحركة سريعاً دون حتى

أن يشعر أنه يغرق بها.. إبتسم و ضم يدها إليه ب تملك

وأصابعه تُحيط خاصتها ب قوة خشية فُقدانها

إنتفضا على صوت صُراخ.. ليجدا أحد الفتيات تستغيث
غرقًا.. لينهض شريف سريعًا ودون تفكير نزع قميصه و
ركض إليها

نهضت مروة هي الأخرى ثم صرخت وهي ترى شريف يشق
البحر بمهارة

-شريف!...

ظلت تُتابع المشهد أمامها بقلبٍ يخفق برعبٍ كبير.. لتجد
شريف قد أحاط بالفتاة وعاد.. ضيقت عينها وهي ترى
الفتاة تتدلل بطريقة أثارت غيرتها لتدب بقدمها الرمال ثم
تقدمت منهما ما أن وضع الفتاة ارضًا.. لتهتف الأخيرة بـ
صوتٍ ناعم ك جلد أفعى

-مرسيه جدًا.. أنا كنت هموت...

إتسعت عينا مروة وهي تستمع إلى لُغتها العربية الركيكة
ونبرتها التي أثارت غثيانها وقبل أن تتفوه بكلمة كان شريف
قد سبقها بـ إبتسامة مُهدبة

-حمد لله على سلامتک يا أنسة-

-kerstien my name is kresten

حمد لله على سلامتک يا أنسة کرستين...-

إنطلقت تلك العبارة من فم مروة ب غيظ لم يستطع شريف

ألا يلاحظه ولكنه أثر الصمت مُستمتعاً لما سيدور..لتقول

کرستين ب نفس إبتسامتها

-مرسيه يا هبيتي (حبيتي)..هو بيكون your brother

(شقيقك)

-لا يا عنيا جوزي.. my hasbund يعني...

عضت کرستين على شفاها السفلى ب خيبة أمل ولكنها

حافظت على نعومة نبرتها هاتفة

-أووہ..لايقين على بأض (بعض) أوي

-ردت عليها مروة ب إمتعاض:دا من ذوقك ياختي...

لم يبدُ على كرسيتين أنها فهمت ولكنها قررت النهوض ليقول
شريف سريعاً وبِ عَفْوِيَّة

-خليكي إرتاحي.. عشان متتعيش...

إلتفتت إليه مروة على حين غُرة وعيناها قد تحولتا إلى
أُخرتين شيطانيتين قبل أن تهمس ب حدة

-ممكّن تنقطي ب سكاتك...

كتم شريف إبتسامته ب صعوبة.. لتستدير مروة إلى كرسيتين
التي نهضت.. تتأمل ما لا ترتدي فثوب سباحها كان من
قطعيتين مُبتدل ب طريقة جريئة.. جعلت مروة تشهق ب
خفوت قبل أن تُضيق عيناها وهي تمد يدها ب قميص زوجها
هاتفه ب إزدراء

-خدي يا حجة أستري نفسك

-موش فاهم.. أنا مش إفهم أنتي قولي إيه

-إبتسمت مروة بـ إصفرار:قصدي خدي القميص دا عشان

مش تبردي..الجو برد

-أوووه..أنتي حد so cute (لطيفة...)

لم ترد مروة بل ساعدتها على إرتداء القميص قبل أن

تجذب شريف قائلة بـ حدة

-وأنت يلا عشان متتعيش أنت كمان...

تحركا خطوتين قبل أن يسمعا صوت كرستين يهتف

-موش هشوفك تاني!...

إستدارت مروة وعلى وجهها ملامح شريرة ثم هتفت بـ نبرة

جهورية أفزعت الفتاة

-لا يا قلب مامتك..جوزي مش هيطلع من الأوضة..عشان

بخاف عليه يتعب...

نظرت إلى شريف الذي يضع يده على فاه ويضحك لتنفخ به
ضيق ثم تحركت مُبتعدة عنه لحقها هو يضحك قائلاً به
عبث

-أموت فيك وأنت غيران يا سكر أنت يا جميل...

به المساء وقفت روجيدا أمام المرأة تُعدل من وشاح رأسها
الأرجواني.. الذي مائل لون ثوبها الأرجواني ولكن به درجة
داكنة.. إذا أكمام ضيق وعلى جانب عنقه يوجد زهرة
سوداء.. يتسع به قوة فلا يظهر إنتفاخ بطنها إلا قليلاً.. ف
جمعته به الخلف به حزام عقدته على هيئة أنشودة
خلا وجهها من مُستحضرات التجميل.. بُناءً على أوامر
جاسر.. ضحكت روجيدا على تملكه وغيرته التي تتزايد
وتتزايد عن زي قبل ولكنها تتقبلها به رحابة صدر فهي
تستطيع إحتواءه مهما بلغت غيرته

سمعت صوت باب المرحاض يُفتح ليطل هو منه.. يُحيط
 خصره بـ منشفة ويده الأخرى يُمشط بها خُصلاته التي
 تتدلت على جبينه.. إبتسم وهو ينظر إليها ثم قال بـ إبتسامة

-إيه الجمال دا يا أخواتي

-ضحكت قائلة: طب يلا عشان مش نتأخر...

أوماً وهو يتجه إلى طاولة الزينة ليُمشط خُصلاته.. توجهت
 هي إلى خزانة الثياب وأخرجت منها حلة سوداء.. عدا رابطة
 العُنق البيضاء.. وضعتها على الفراش ليستدير هو ويراهَا ثم
 قال

-يا سيدي على الشياكة اللي هبقى فيها.. روجيدا ذات نفسها
 محضرا لي الهدوم بتاعي!.. لأ دا إحنا ندبح بقى...

ضحكت وهي تتقدم منه قائلة بـ مُزاح

-طب يلا روح إلبس يا واد يا شيك

-قبض على ذقنها هامسًا: قلب الواد الشيك..وعين الواد الشيك..وروح الواد الشيك..حياة الواد الشيك والله...
 قبّل شفّتها بخفة ثم إتجه إلى ثيابه يرتديها..إختارت أحد عطوره وساعة معصم فضية لتتجه إليه..فوجدته يرتدي ستوته

تقدمت منه ثم عدلت ياقتها و قامت بربط رابطة عنقه..لتقوم بعدها بنثر العطر بكثرة وساعدته بإرتداء ساعة معصمه..إبتسم جاسر بحنو وقال
 -تسلميلي إيديك يارب...

ثم أمسك يديها وقبّلها بقوة لتهتف هي

-مش يلا بقى

-يلا...

وضعت لمساتها الأخيرة من مستحضرات التجميل على
وجها ثم إلتفتت إلى ذلك الجالس خلفها ينتظرها لتقول بـ
إبتسامة

-أنا جهزت.. يلا

-يلا...

تشدق بها وهو ينهض ليُمسك يدها ساحبًا إياها خلفه
لتسأله بـ خفوت

-أنت مُتأكد من اللي أنت بتعمله!

-رد عليها دون أن ينظر إليها: أنتي عندك شك؟!

Secrets Of Stories

-رفعت منكبيها قائلة: أنا بسألك أنت...

كانا قد وصلا إلى السيارة ليفتح لها الباب ف صعدت ثم

توجه هو إلى مقعده ليقول وهو يُدير المُحرك

-وأضيع عليها فرصة مقابلة جاسر الصياد

-إبتسمت وقالت: أهم حاجة تكون مُستعد أنت ليها...

إنقبضت عضلات فكه وقبضته إشتدت حول

المقوود.. ليقول ب نبرة قاتمة

- أنا مُستعد من زمان.. بس وقت التنفيذ لسه مأنش أوانه

- أمسكت يده وقالت: أنا بس مش عاوزاك بعد كل الوقت دا

وتغلط.. فيروح كل حاجة

- إبتسم إبتسامة مُظلمة وهتف: متخافيش.. أنا مخطط

كويس

- جاسر الصياد مش سهل

- إزدادت إبتسامته المُظلمة إتساعًا وقال: ودا بيخلي اللعب

Secrets Of Stories

يحلو أكثر...

ترجلا من السيارة ليستدير جاسر إلى روجيدا ويُمسك كفيها

وجدها تتحرك ب صعوبة ليسألها ب إهتمام

-مالك في إيه!

-مفيش..الشوز بس مضايقني شوية

-إبتسم ب خبث وقال:مش عاوزاني أشيلك!...

نظرت إليه ب نصف عين ثم تشدقت ب نبرة ساخرة

-عشان كل شوية تقولي عضمك يا رضا..وأنتي حامل ف

بغلين

-ضحك جاسر ب قوة وقال ب نبرته اللعوب:قطع لسان اللي

يقول كدا..طب دا أنتي محتاجة تملي...

قالها وهو ينظر إليها ب وقاحة لتتساءل هي ب غباء

-أملا إيه

Secrets Of Stories

-همس ب حرارة وهو لا يزال ينظر ب وقاحة:تملي ماية أصل

الجو حر..حر جدًا يا فراولة...

شهقت ب خجل بعدما فهمت المعنى الملتوي..لتضع وجهها ب

منكبه قائلة ب يأس وحنق

-سااافل..سااافل يا جاسر ومش هتتغير...

وضع يده حول خصرها وهمس بـ أذنها بـ خبث

-إستني بس لما تولدي..هـ آآ...

وضعت يدها على فاه وهمست بـ ذعر

-بس أسكت..أسكت عشان خاطري يا جاسر وإرحمني

شوية من كلامك وأفعالك

-تراقص بـ حاجبيه قائلًا بـ عبث:هو أنتي لسه شوفتي أفعال

-أغمضت عيناها بـ خجل ثم تضرعت بـ يأس:يارب..الصبر...

ضحك جاسر ضحكته الرجولية الصارخة حتى أنها جذبت

الأنظار إليه..ثم دنى إلى رأسها وقبّل جانب عيناها اليسرى ثم

Secrets Of Stories

ما فوق حاجبها قائلًا

-فعلًا ربنا يسلحني بـ الصبر...

خطى إلى الداخل وهو يرى أجواء الإحتفال الهادئة..إبتسم

وهو يتقدم إلى رائف و زوجته..لهمس بـ تحذير يحمل

التهديد بـ طياته قبل أن يصلا إليهما

-متسلميش يا روجيدا..ولا حتى بـ طرف صواعبك

-ردت عليه بـ إمتعاض:طيب...

وقف مُقابلاً لرائف الذي رحب به قائلاً بـ إبتسامة هادئة

-حقيقي شرفت حفلي يا جاسر بيه

-إبتسم جاسر بـ دبلوماسية:الشرف ليا يا رائف بيه...

أوماً رائف بـ رأسه قبل أن يُقدم زوجته قائلاً بـ فخر جعل

روجيدا تبتسم بـ إعجاب

-أقدمك حرمي..زهرة الأسيوطي

-تشرفنا يا مدام

Secrets Of Stories

-ردت عليه زهرة بـ إبتسامة:الشرف لينا طبعاً...

كانت روجيدا تتأمل زهرة زوجة رائف..كم بدت صغيرة

وهشة بـ جانب رائف..تتمثل البراءة بـ عينيها عكس نظرات

زوجها التي تعكس مدى خبرته بـ الحياة..كان يُحاوط خصرها

بـ تملك كما يفعل جاسر..مُحتشمة وبسيطة الثياب

فاقت من شرودها على صوت جاسر الذي قال

-ودي الدكتور روجيدا الصياد.. حرمي

-قال رائف وهو ينظر إليها: سبق وإتعرفنا

-رد جاسر بجمود: بس أنا كنت بعرفها على حرملك يا رائف

بيه...

إستشعرت الفتيات تلك الذبذبات التي بدأت تنتشر بينهما

خاصةً نظرات رائف التي تحولت من الهدوء إلى براكين

مُشتعلة.. والتي تُنبئ باندلاع حرائق يصعب السيطرة عليها

كانت روجيدا أول من تدارك الموقف لترفع كفها إلى زهرة

Secrets Of Stories

هاتفة بابتسامة مُهتزة

-تشرفنا يا مدام زهرة

-أومأت زهرة وهي تُصافحها: الشرف ليا يا دكتورة...

إستعاد رائف قناع الهدوء بينما جاسر بقت أصابعه تحفر

بخصر روجيدا.. ولكن جمود وجهه لم يعكس بما يعتمل بـ

داخله..دعت ب داخلها أن يظل مُحْتَفَظًا ب سكونه وألا
 ينفجر..وبقى الإثنان يُحدقان ب بعضهما دون حديث
 صدحت موسيقي هادئة عليها تسحب تلك الشُّحنات
 السالبة من الأجواء..ليردف رائف ب نبرة رزينة

-إتفضل يا جاسر بيه..نبدأ نحي الحفلة

-قصدك

-دي موسيقي إحياء الحفلة..كنا مستنين حضرتك

-إرتفع حاجبي جاسر وتساءل:هي دي ب مناسبة الشراكة

-أوما رائف وقال:أيوة..يلا إتفضل مع الدكتورة...

Secrets Of Stories

كان جاسر سيرفض مُتعللاً ب حمل روجيدا ولكنها ضغطت

على يده التي حول خصرها ليفهم أنها تُريد ذلك..صر على

أسنانه ولكنه أشار إليها لتتجه إلى ساحة الرقص

وضع يده حول خصرها والأخرى أمسكت كفها..قربها جاسر
إليه ولكنه لم يبدأ طقوسه ب الرقص معها..عقدت روجيدا
حاجبها وهي تسمعه يهمس

-مكنتش عاوز أرقص عشانك..وعشان الرقصة دي
بتاعنا..وللأسف مش هقدر أمارس طقوسي...

إبتسمت روجيدا بدفئ..ليزيد ضمها إليه وهمس

-حطى رجلك على رجلي

-حركت رأسها نافية بقوة:لأ طبعًا..رجلك هتوجعك

-إسمعي الكلام يا روجيدا..مش هعيد اللي قولته تاني...

Secrets Of Stories

لوت شفيتها ب ضيق وإنصاعت لما تقول..كان ينظر إلى

عينها ب عشق على تلك الموسيقى التي يُحي بها ذكرى

زواجهم كل سنة..وإن كانت تلك الرقصة خاصتهم لا يجب

على أحد أن يراها..ف النظرة ب عيناه ليست خاصتهم ف جميع

من حوله قرأ بهما العشق..واضح للأعشى هيامه بها وقوة

الحب الصريحة الظاهرة بهما

إبتسم وهو يُحرك شفثيه بلا صوت

-بعشقتك...

إبتسمت روجيدا على إستيحاء وكأنها مُراهقة صغيرة..قبل

أن تشهق بخفة ليتساءل جاسر بقلق

-إيه فيه إيه

-نظرت إلى قدميها وقالت:الشوز بتاعي إتفك

-هتف بامتعاض:يا شيخة خضتيني

Secrets Of Stories

-ولكن روجيدا هتفت:هربطه إزاي دلوقتي!

-مينفعش تسيبيه!

-لو سبته هيتخلع من رجلي...

مطت شفتيها بـ إنزعاج.. ثم إتسعت عيناها بـ ذهول وشهقة
فلتت من بين شفتيها وهي ترى جاسر يجثو على قدميه يرفع
خاصتها على رُكبته ليُعيد غلق حذاءها

نظرت روجيدا حولها فوجدت جميع الأعين مُسلطة
عليهما.. ولما لا وذلك الحدث الذي ستتناقله جميع وسائل
التواصل الإجتماعي بـ الإضافة إلى الجرائدة والمجلات أن
جاسر الصياد يجثو أمام زوجته

عضت روجيدا على شفتيها بـ خجل وعشق.. لينهض جاسر و
يُعاود مُراقبتها وكأنه لم يفعل شيئاً أثار ذهول الرجال
وإفتتان النساء.. فغرت فاها دون القُدرة على الحديث
ليقول هو بـ نبرو عادية

-مالك فاتحة بؤك كدا ليه!

-رفت بـ جفنيها وهتفت بـ عدم تصديق: أنت إيه اللي عملته
دا!!

-رفع منكبه وقال: إيه؟.. شوزك إتفك وأنا كنت بربطه تاني...

حاولت فتح فاها والحديث مرةً أخرى ولكن ماذا ستقول
 أمام جاسر.. مضت ثوان ولا تزال النظرات تُحيط بهم لتقول
 روجيدا بابتسامة عاشقة

-اللي عملته دا مُنتهى العشق..أنا بشوف رجالة بتقول إن دا
 بيقلل من رجولتهم..بيعتبروه ضعف...

إبتسم جاسر ثم قال وهو يُداعب أنفها بأنفه
 -بالعكس..مُنتهى الرجولة إنك تظهر حبك للناس..دا بيزود
 من الرجولة مش بينقصها...

زاد من ضمها إليه ثم همس بأذنها

-الضعف الحقيقي لما الراجل يشوف نفسه أنه قوي لو
 معترفش بحبه...

إبتعد عنها ينظر إلى فيروزها العاشق له بعسلته المتوهجة
 كقُرصي الشمس

-وأنا شايف قوتي فحُبك

إتجهت إلى الشُرفة تستنشق الهواء بعدما تركها جاسر على
 مضض ليتحدث ب العمل.. غافلة عن تلك الأعين التي
 ترصدت دلوفهما من البداية حتى الرقصة
 كانت عيناه تتفصحنها ب جرأة وقحة.. نظرات تجعل الرجفة
 تسري ب الأبدان.. وضع كأس العصير على الطاولة ثم توجه
 إليه وعلى شفثيه إبتسامة شيطانية
 وقف خلفها يستنشق عبيرها ب قوة وكأنه آخر ما سيفعله ب
 حياته.. كان وشاحها الأرجواني يتطاير ب نعومة يُرسل ب
 عطرها إليه فيزيده فتنَةً بها.. لا شئ سوى لرغبة حيوانية
 يُشبع بها غرائزه المريضة
 تقدم حتى وقف ب جانبها ولكنها لم تنتبه.. ف مال إليها أكثر
 حتى أصبح على بُعد إنشآت منها ليمس ب خُبث
 -لولا الحجاب كنت قلت إنك أجنبية..-

شهقت روجيدا وهى تستدير إلى مصدر الصوت.. لتجد ذلك
الوجي الرجولي الذي يُحدق بها بوقاحة وعلى بُعد إنشآت
قليلة.. حتى لفحت أنفاسه الساخنة وجهها

إمتقع وجهها بنفور لتبتعد بخفة ولكنه لم يسمح لها.. إذ
إلتفت يده حول معصمها يمنعها الهروب.. صرخت روجيدا بـ
هلع ثم هتفت بغضب

-إبعد إيدك يا حيوان

-إبعد إيه.. دا أنا هقرب جدًا...

جذبها بقوة إلا أنها قاومت قدر الإمكان فلم يستطع جذبها
أكثر من خطوتين.. إتسعت عيناها بقوة وأخذت تتلوى قبل
أن تقول بحدة

-إبعد إيدك القدرة دي عني.. جوزي لو شافك هيقتلك

-إبتسم بشيطانية وقال: جاسر الصياد!...

إقترب بوجهه منها حتى تقلصت المسافة أكثر ليهتف بـ فحيح
أفعى مُرعب

-طب دا أنا نفسي يشوفني أوي وأنا كدا..دا اللي بينا طار...

إتسعت عينا روجيدا بقوة أكبر وهي تسمعه يُكمل حديثه بـ
نبرة خبيثة

-أحب أعرفك بـ نفسي..سليمان الهواري..ابن سليم
الهواري...



الفصل الخامس

وتسألني ما الحُب؟

الحُب أن أكتفي بك ولا أكتفي منك أبدًا...

كان جاسر يقف مع مجموعة من رجال الأعمال يتحدث معهم بأمور تخص أعمالهم ليلتفت على حين غرة إلى الشُرفة التي تقف بها زوجها.. ف ما لبث أن اتسعت عيناه وهو يرى زوجته أحدهم يقبض على معصمها.. قريبة منه إلى درجة خطيرة وعلى وجهها علامات الغضب والنفور به بعض الخوف

إندلعت بعيناه نيران حارقة وغضب أسود يكاد يلتهم المحيطين به فترك الجميع وإنطلق بين الجموع يدفعهم بقسوة متجهًا إلى زوجته

وعلى الناحية الأخرى

كانت عنيا روجيدا إتسعنا بقوة حتى شارفت على الإستدارة
دون أن تجد القُدرة على الحديث.. فكل ما يشغل بالها حالياً
أنه من أين ظهر هذا الشخص؟.. وإن عَلِم جاسر.. ويلاه مما
قد يحدث

إنتفضت على يده التي جذبتها أكثر إليه ليمس بنبرته ذات
الفحيح المرعب

-أتمنى يكون تعاملنا أحسن من كذا.. صدقيني جاسر

الصيد مش هيبسطك أحسن مني

-إتقدت عيناها بشرر قائلة: أنت واحد حقير...

وبدون تفكير هبط كفها على وجنته بقوة لم تكن تعلم أنها

تملكها حتى أنه وجهه إستدار إلى الناحية الأخرى.. وضع

سُليمان يده على وجنته التي إنطبت أصابعها عليها قبل أن

يهدر بابتسامة شيطانية أضفت على ملامحه المخيفة

ملامح أكثر رُعباً

-كلهم قالولي إنك شرسة...

إقترب منها لتُبعد وجهها عنه بـ نفور.. ليُكمل هو بـ نفس
النبرة

-يا ترى بقى أنتي برضو شرسة فـ..

لم يستطع إكمال عبارته فقد إنطلقت قبضة حديدية
تلکم فکه.. ترنح على إثرها ثم سقط.. شهقت روجيدا وهي
ترى سُليمان ينطرح أرضًا

كان الدور على معصمها أن يجذبه جاسر بقوة حارقة
ليضعها خلفه.. نظرت إلى عيناه بـ نظرة خاطفة لتجد عيناه
تحمل نظرة مُميتة بها تصميم على إراقة الدماء.. كان يتنفس
بـ صعوبة وعضلات جسده تتشنج بـ غضب.. إرتعدت
فرائصها خوفًا عليه ولكنها لم تجرؤ على الوقوف أمامه
ومُحادثته عقب ذلك الوضع الذي رأهما فيه

نهض سُليمان وهو يضحك بـ سخرية قائلاً

-نورت يا جاسر.. نورت والله..

لم يرد عليه جاسر بل إندفع بقوة و بلحظة خاطفة كانت
 رُكبته تضرب معدته ف مال سُليمان إلى الأمام..ولكنه لم
 يرحمه بل عادت رُكبته تضرب أنفه ب ضراوة لتنفجر الدماء
 منها..دفعه جاسر إلى سور الشرفة وهدر ب نبرة جهورية
 -بتتجراً وتُحط إيدك على مراتي!..بتتجراً وأنت عارف نهايتك
 هتكون زي أخوك وألعن...

بصق سُليمان الدماء ثم قال ضاحكاً وهو ينظر إلى جاسر
 -بتضرني يا بن عمتي!..هان عليك تضرب ابن عمتك
 -لكمه جاسر وهدر:إخرس يا ***..أنت نسيت نفسك ولا
 إيه..دا أنا مخرجك من بيتك زي الكلب

-ودي أخرتي عشان جاي وأرجع أواصر الصلة ما بيننا!..ولما
 عنيات هانم تعرف إنك ضربت إبنها هتعمل إيه؟!...

لم يكن جاسر ب حالة تسمح ب الحديث..بل كل ما يجول ب
 ذهنه أن هذا الرجل تقرب من زوجته بل وإستباح لنفسه

لمسها.. لتزداد عيناه قتامة ورغبة في إسفاك دمائه.. ليقبض
على عنقه ثم همس بنبرة قاتمة تزداد سوادًا وحقد
-لو خايف على اللي باقي من عُمرِك.. إختفي.. لأن لمسك لمراتي
مش هعديه.. فاهم...

لم يرد سُليمان بل بقى يضحك مُستسلم لما يفعله
به.. ليلكمه جاسر عدة لكلمات بقبضته بأحد أضلعه حتى
كُسر ضلعه فتأوه الأول.. مال جاسر به إلى الخلف وقال بـ
نبرة شيطانية تُذيب العظام
-بس مفيش مانع أسيبك تذكاري مني...

عاد برأسه إلى الخلف ثم عاد ينطح أنفه مُسببًا كسرها.. لم
يتدارك سُليمان نفسه إلا وجاسر يدفعه لیسقط من
السور واقعًا أسفل الشُرفة التي تبعد عن الأرض بمسافة
مترين.. نظر إليه من الأعلى نظرات قاتلة مُرعبة وقد تحولت
عسليته إلى جمرتين من النار المُشتعلة

إستدار إلى روجيدًا المنكمشة على نفسها ليجذبها من يدها
هادرًا بنبرة قاتلة

-يلاا...-

تحرك جاسر بين الجموع يدفعهم بقوة ولا مُبالاه..ولم
يقدر أحد على الوقوف أمام ذلك المارد الذي تحرر شيطانه
للتو

نظر رائف و زوجته إلى ذلك المشهد الذي حظى على إنتباه
الجميع بدرجة مُدهشة مُتبانة النظرات ما بين دهشة
ورعب..بأعين جاحظة وبداخل رائف سؤال كيف يتحول
جاسر من شخص هادئ ، وقور ، راقى بتعامله..إلى شخص
همجي و بربري لتدنى إلى الدرك الأسفل من الهمجية
والبربرية..نظر رائف إلى زوجته وقال بقنوط

-الحفلة باظت...-

ظلت روجيدا تنظر إلى عيناه التي لم تفقد ملامحها القاسية
والمرعبة ثم إلى يداها التي تحتضن المقوود بقوى حتى إبيضت
مفاصله.. إنتفضت على صوت زمجرته قبل أن يهدر بصوت
جمهوري

-عمل إيه أكثر من إنه لمس إيدك!...

تعرق جبينها من شدة الخوف فلم تجد القدرة على
الحديث ف آثرت الصمت..ضرب جاسر على المقوود بشدة
ليعود ويهدر بنبرة صمت أذنيها بل وخرقتها
-ردي عليا متجننيش!

-همست بصوت يكاد يسمع:معملش

-هدر ب حدة:مسمعتش

-صرخت هي بالمقابل:معملش...

ظل جاسر يتنفس بقوة حتى ظنت أنه سيلفظ أنفاسه من
فرط سرعتها..سمعت سبابه اللاذع على تلك العائلة التي لا

تنتهي..بل والأفضع إنه ابن عنيات التي تخلت عنه..لتتخلص
من شر تلك العائلة نهائياً والذي لم يختلف عن بطش والده
سليم وأخيه جابر

همس جاسر بقسوة

-العيلة شر..وكان ملهمش شغلة غير إنهم يفسدوا ف
الأرض...

وضعت روجيدا كف على بطنها والآخر على يده لتقول بـ
خفوت مُرتجف
-جاسر...

لم يرد عليها جاسر ولكنها لاحظت أن عضلات وجهه قد
إشتدت..ف ابتلعت ريقها وهمست

-بلاش نرجع المنيا وأنت عصبي كدا..بلاش تسوق
-رد عليها بـ جفاء:مش هينفع عشان جُلنار...

كانت لا تزال ترتجف مما حدث ولكنها تتماسك من أجله
حتى لا يفقد الباقية المتبقية من عقله لتقول وهي تشتد بـ
قبضتها على معصمه

-وعشان خاطر جُلنار بلاش..تعال نروح البيت بتاع
القاهرة..عشان خاطري..أنا تعبانة...

زفر جاسر بـ غضب ليوقف السيارة على جانب الطريق ثم
إلتفت بـ جسده كله إليها وهمس من بين أسنانه
-صارحيني يا روجيدا..أذاك ف حاجة؟!...

إرتجفت شفاها السفلى لولها قبل أن تقول بـ هدوء يُنافي
خوف قلبها المتقافز كـ أرنب مذعور

Secrets Of Stories

-والله ميقدرش أصلاً..ومقربش مني ولا هيقدر يا
جاسر..صدقني..خليك واثق فيا

-هدر ب غضب: أنتي ليه مش عاوزة تصدقي إني بثق فيك أكثر

من نفسي..بس أنا مبتقش ف اللي حوليا..كلهم

حيوانات..حيوانات همهم ينهشوا ف لحمي وف عرضي

-وضعت يدها على وجنته ثم قالت ب إبتسامه

مُهتزة: متقلقش عليا..عشان خاطري متحملش نفسك أكثر

من طاقتها

-لو مقلقش عليك هقلق على مين...

قالها وهو يجذبها إلى أحضانها يضع أنفه ب عنقها يضمها ب

أقوى ما لديه..يخشى عليها من نفسه ب نوباته التي تصيبه

وقد يطالها الأذى كما يحدث ب العديد من المرات..ولكن

أكثر ما يخشاه هو ما حوله من الرجال..قد تبدو قوية واثقة

ولكن ب داخلها هشه غير قادرة على حماية نفسها وتلك

العقدة لا تزال تُطاردها..قد تُظهر العكس ولكنه أضحى

يعرفها أكثر مما يعرف نفسه..هى لا تزال تُعاني حتى الآن ولن

تتخلص من ذلك الخوف إلا به

تحركت يده على ظهرها صعودًا وهبوطًا ثم همس وهو
يصعد بشفتيه إلى جنتها

-خائف عليك ليحي يوم ومقدرش أحملك فيه

-هششش..ممكن بلاش نتكلم دلوقتي..أنا كويسة وهفضل
كويسة لو بقيت ف حضنك كدا...

شدد على عناقها أكثر يزفر ب حرارة وشفتيه لا تزال تُقبل
وجنتها قبلات رقيقة وكأنه يتأكد من سلامتها..إبتسمت
روجيدا وقالت ب مزاح ب غرض تخفيف الأجواء

-جاسر لو فضلنا كدا هنتمسك ب فعل فاضح ف الطريق

Secrets Of Stories

العام

-إبتسم ب خفة وقال:مش مهم أهو تغيير..حتى هخليهم
يحطونا ف زنانة واحدة...

ضحكت بـ خفوت لـيبتعد عنها ولكن ليس قبل أن يضع
شفتيه على جبينها.. أعاد تشغيل محرك السيارة لينطلق بها
إلى منزله بـ القاهرة

إستيقظت على تلك اليد التي تربت على وجنتها بـ خفة
لـتتململ بسنت بـ إنزعاج قائلة
-بس بقى يا صابر وبلاش رخامة
-ضحك صابر ثم قال: لأ فوقى يا بسبوستى.. عاوزك ف كلمة
سر...
وضعت الوسادة فوق رأسها ولم ترد عليه.. ليعود ويضحك
صابر بـ قوة.. إرتفع حاجبيه بـ خبت لينحني إلى ذراعها البض
يُقبله بـ خفة.. لتزفر بسنت بـ ضيق ولكنها لم تتحرك.. ضيق
عينيه بـ غيظ ثم قال بـ نبرة تهديدية
لو مقومتيش حالاً يا بسنت.. هشيلك زي الدبيحة...

لم ترد عليه أيضاً لينهض عن الفراش ليهدر بـإنفعال
-خلاص..حلال الله أكبر...

صرخت بسنت وهي تراه يضعها على كتفه ك الذبيحة كما
هددتها..لتشهق بـفزع وهي تراه يتحرك بـإتجاه باب المنزل
الصيفي المٌطل على البحر بـمنطقة شبه خالية من

البشر..ثم صرخت وهي تضرب ظهره

-صابر..بلاش سُغل العيال دا ونزلي

-فضلت أصحيكِ وأنتي نائمة شبه القتيلة

-صرخت بـغيظ:كدا اب..رديت عليك على فكرة..أنت اللي

Secrets Of Stories

بتتصلب

-ولو...

صرخت بـيأس وهي تتلوى بين يديه بـمنامتها الطفولية التي

ترتديها من اللون الوردي الباهت وعليها رسمة كرتونية

شهيرة..صرخت هذه المرة بـفزع وهي تشعر بـتلك الموجة

الباردة التي داهمت جسدها.. تعلقت ب عنقها ثم هتفت

وأسنانها تصطك ب بعضها

- أنت بتعمل إيه!

- حاوط خصرها قائلاً: مش كنتي عاوزة تنزلي البحر!.. أديني

بحقق أمنيتك أهو

- ضربت منكبه ثم تشدقت: أيوة أنزل البحر زي البني آدمين

الطبيين مش زي عجل دبخته ونازل البحر تغسله...

ضحك صابر ب أقوى ما لديه لتشرد بسنت ب ضحكته

الرجولية الصاخبة.. قربها إليه ثم همس وهو يُداعب وجنتها

Secrets Of Stories

- بس ف الآخر نزلتك

- هدرت ب يأس: أعمل إيه ف جنونك دا

- نزل إلى عنقها وقال: جاريني فيه...

دغدغها ب عنقها لتضحك ب صخب.. صارخة ب نبرة مُتقطعة

- خل.. خلاص بالله.. عليك

-عشان حلفتيني بس

ضحكت وهي تستشعر شفتيه تُقبل عنقها بـ خفة لهمس بـ
جانب أذنها

-قوليلي عملي إيه فيا خلتي مش قادر أبعد عنك.. لأ
وأحبك الحب دا كله...

نظر إلى بُنيته التي إلتمعت بـ بريق متوهج من الحب.. وضعت
كفها الصغير على وجنته وهمست

-معملتش حاجة غير إني حبيتك

-تأوه بـ حرارة قائلاً: اه... لو تعرفي بحبك أد إيه يا

بسنت.. مُكنتيش ضيعتي كل السنين دي بعيد عن بعض

-وضعت وجنتها على صدره المُبتل ثم تشدقت: أسفة.. بس

كنت خايفة

- حاوطها بيده ثم قال: ومن النهاردة مش عاوزك تخافي وأنا جنبك.. أنا قضيت على خوفك.. ساعدني أقضي أنا كمان على خوفاي...

رفعت وجهها إليه ثم تساءلت عاقدة لحاجبها وهي تنظر إليه باستفهام

- خوفك.. خوف إيه؟...

أبعد خُصلة مُبتلة عن وجنتها ثم همس وهو يضع أنفه على جبينها بنبرة عميقة

- إنك في يوم تبعدني عني

- إبتسمت بسنت وهي تقول: شوفت طفل يقدر يبعد عن أمه...

نظر إليها بنظرة هائمة وعلى شفثيه إبتسامة جانبية دافئة ثم أكملت الهمس وهي ترتفع على أطراف أصابعها

-أنا بقى مقدرش..أنت بالنسبالي الأم اللي بدافع عن إبنها ب
 إستماتة وفالمقابل إبنها ميقدرش غير إنه يحبها...
 قبلت وجنته ثم إبتعدت لترى عينيه مُغلقتين..ثم همس هو
 لا يزال مُغمض العينين
 -مش كدا أنت بدلتى الأدوار!
 -حركت رأسها نافية ثم قالت بقوة:أبدأ..أنا شايفة إن دا
 الصح..كنت أنا الإبن الشريد وأنت الأم اللي بتوجه..الأدوار
 صح..أنت ميلقش عليك غير الدور دا...
 فتح جفنيه ونظر إلى عينها بنظرة عشق خالصة جعلت
 قلبها يُرفرف حر بين أضلعها لتهمس بنبرة عميقة ويدها
 تسير من جانب حاجبه حتى فكه
 -أنت نعمة ف حياة أي حد تدخلها...

تأوه صابر بقوة وهو يستمع إلى مثل ذلك الإعتراف النادر
 من بين شفيتها قبل أن ينقض على شفيتها غير آبه لما
 حوله..إبتعد عنها ثم قال وهو يرفعها بين يديه
 -أنا قولت إن البحر الصُّبح غلط..تعالى أدفيك...

إنتهت الطيبة من تمضيد جراحه ثم إعتدلت تُعلق بعض
 المحاليل بمُساعدة المُمرضة لتقول وهي تنظر إلى سُليمان
 -حضرتك هنضطر نعمل أشعة عشان نتأكد إذا كان فيه
 أكثر من ضلع مكسور ولا لأ..وإذا كان أثر على الرئة..حمد
 لله على سلامتكم...
Secrets Of Stories

اشارت إلى المُمرضة لكي تتبعها ثم قالت لها وهما يتوجهان
 إلى خارج الغُرفة
 -غيري المحلول كمان نُص ساعة..وبعدها بساعة حضريه
 عشان نعمل الأشعة...

نظر إلى خروجهما بنظرات مُظلمة و بداخله يتوعد لما
 أصابه من جاسر الصياد..تقدمت منه زوجته ثم جلست بـ
 جانبه تمسح على جانب وجهه قائلة
 -حاسس بوجع!...

أبعد يدها عنه ولم يرد..زفرت هي بيأس ثم قالت بروية
 -مكنش ينفع تتصرف كدا يا سليمان..في حاجة اسمها
 عقل..تصرفك دا هيخليه زي التور الهايج ومش هيسيعه
 قتلك بس

-نظر إليه بنظرات قاسية ثم قال:حسابه معايا بيتقل
 أوي..وساعتها ميلومش غير نفسه...*Secrets Of Stories*

حركت رأسها بيأس لتعود وتهتف بنبرة هادئة ويدها تسير
 على ذقنه

-جاسر الصياد مش سهل ومن الغباء إستفزازه..أنت طلعت
 مارد مش هسيبك ف حالك

-هدر بقوة:حقي وحق أخويا..طب العيلة اللي شتها
والقصر اللي حرقه!..أه صحيح عمري ما حبيت ثناء بس دا
كان حقي بيتي وملكي وهي عارفة

-أومات برأسها بتأكيد قائلة:برضو تتعامل مع جاسر ب
عقلك..طول ما أنت بتتعامل ب الهمجية دي مش هتقدر
تواجه وهتخسر كل حاجة...

وضع يده على صدره موضع ضلعه المهشم..لينظر إليها ب
إهتمام يستاءل
-بتفكري فإيه!

-أقصد يعني..تحاول تختفي الايام دي عشان جاسر مش
هيمدى إلا لما يُحطك ف السجن أو يقتلك وف كِلا الحالتين
أنت مش مُستفيد

-إتسعت عيناه هادرًا ب غضب:قصدك أتخبى زي النسوان...

زمت شفيتها ب حنق زافرة نفسًا حار قبل أن تعتدل ب جلستها

ثم أكملت حديثها ب نفس الهدوء

-لا زي النسوان ولا الرجالة

-أومال قصدك إيه!

-يا حبيبي قصدي تحكم عقلك ف كل خطوة قبل ما تخطيها

عشان متخسرش..يعني التعامل ب العقل هو الصح

-زفر ب قنوط وتشدق: وإفرضي تعامل العقل دا أخذ وقت

-ربتت على منكبه وقال: وماله.. طالما ضربتك هتكون قاضية

يبقى تستحق...

Secrets Of Stories

نظر إليها مُطوِّلاً حتى إرتسمت إبتسامة خبيثة على وجهه

أخذت تتسع تدريجياً إلى أن أصبحت تشمل وجهه كله

ليقول ب نبرة وازت إبتسامته

-فعلاً عقل الستات دا داهية

-إبتسمت قائلة: تلميذتك يا سيد الناس...

مالت إلى وجهه قائلة بـ مكر أنثوي ناعم

-ناوي على إيه بقى!

-نظر إليه بـ نظرة وقحة ثم تشدق: لما أطلع من هنا هوريكي

عملي...

نهض جاسر بـ تلك الساعة المتأخرة على صوت تأوه

روجيذا.. ليقوم بـ إنارة المصباح الجانبي ثم إلتفت إليها فـ

وجدتها جالسة على الفراش تضع يدها على بطنها

إنتفض جاسر من جلسته وإستدار حول الفراش.. ليجثو

Secrets Of Stories

أمام رُكبيتها ثم همس بـ قلق

-مالك يا روجيذا في إيه

-وضعت يدها على بطنها المنتفخ: بطني يا جاسر بتوجعني

أوي

-أبعد خُصلاتها عن وجهها قائلاً ب توجس: طب خلاص يا
حبيبتي..هقوم أعملك حاجة سُخنة...

أومأت برأسها وهى تعض على شفيتها ب ألم..ولكن ما أن
نهض جاسر حتى إنحنت روجيدا تتقيأ..أمسكها ب سرعة
وقلق حتى لا تسقط ولم يأبه لتلطح ملابسه..إرتفعت وقالت
ب نبرة مبحوحة

-أسفة

-أعاد خُصلاتها خلف أذنها وهمس:هشششش..تعالى معايا...
أمسكها من ذراعها حتى تنهض ولكنها ترنحت ب
ضعف..تداركها جاسر ب سرعة ثم إنحنى يحملها..وضوعها
أمام حوض الوجه ولكنها عادت تتقيأ..أمسكها مرةً أخرى
بين يديه ب إحكام..يد على جبهتها ليحكم رأسها والأخرى على
خصرها حتى يتحكم ب ضعف جسدها

إنحنت ب جسدها إلى الأمام تأن ب ضعف..ليسندها جاسر
بين يديه يربت على ظهرها هامسًا ب حنو

- أنتي كويسة

- أومأت برأسها ترد بضعف: أها...

أحكم ذراعه حول خصرها وبيد الأخرى..فتح صنبور المياه
يقوم بـ غسل وجهها وفمها ثم أخذ يُملس على خُصلاتها..عاد

يحملها واضعًا إياها على الفراش..جثى أمامها يُقبل جبينها

هامسًا

- بقيتي أحسن...

أومأت برأسها دون رد..حرك جاسر يديه على ذراعيها هبوطًا
و صعودًا ثم قال وهو ينهض

هروح أعملك حاجة سخنة...
Secrets Of Stories

أومأت برأسها ولكنه إنحنى يقول

-تعالى الأول..أخليكي تقعدى كويس...

رفع ساقها على الأرض ليضعهم على الفراش ثم وضع
أسفلهم وسادة.. وأراح ظهرها على الفراش واضع خلفه
وسادة كبيرة.. ربت على خُصلاتها يتساءل بدفع
-كدا أحسن!...

أومات برأسها ليقول بدحنو

-هروح أعملك حاجة سخنة وأجي أنضف المكان...

إبتسمت بوهن ليبادلها الإبتسام ثم توجه إلى الخارج أعد
لها بعض الأعشاب المفيدة ثم عاد يُنظف الغرفة وبعدها
عاونها على إرتشاف تلك الأعشاب.. ليتشدد وهو يضع
الكوب بد جانبه

Secrets Of Stories

-إعملي حسابك أول أما نصحي هنروح لدكتورة

-إتكأت على منكبه وقالت: أنا كويسة والله.. التعب دا عادي

-حاوطها بيده وقال: ولو برضو هنروح يعني هنروح...

فتحت فاها تنوي الإعتراض ولكنه أوقفها ب صرامة لا تقبل
الجدال

-متفكر يش تقولي لأ..لأني كدا كدا هاخذك حتى عشان معاد
الفحص الدوري بتاعك...

زفرت ب يأس كيف لها السبيل ب إقناعه أنها ليست ب مشكلة
عضوية ولكن ما تعرضت إليه أمس من إنتهاك
صريح..راودها كابوس أروعها لذلك نهضت تشعر ب
الإعياء..أخذت نفساً عميقاً ثم قالت ب خوف
-سوري يا جاسر صحتك الفجر كدا
-ضرب جبهتها ب مُزاح قائلاً:ولو مضحتش عشانك..هصحي
عشان مين يعني!

-إبتسمت وقالت:ربنا يخليك ليا...

قَبَل وجنتها ب عمق ثم إستند ب جبهته على وجنتها يُشدد من
عناقها إليه ليهمس بعدها ب خوف

-عرفتي هنسي ولادنا إيه

-مش لما نعرف هما ولد وبنت ولا ولدين ولا بنتين؟!

-ضحك جاسر وقال بثقة:ولد وبنت..أنا مُتأكد إن شاء الله

-ضحكت هي الأخرى وقالت:يا سيدي على الثقة...

إعتدلت تنظر إليه ثم قالت ب حماس مُفاجئ

-طب هنسميهم إيه!

-أمسك كفها وقال ب إبتسامة أبوية حانية:بصي الولد

هنسميه جواد..والبنت هنسميها چيلان

-عقدت حاجبها وقالت:بس أنا فاكرة أنك قولت إننا

هنسميهم "جمال وجميلة"

-رد عليها ب مُزاح:دي كانت ساعة شيطان..بس قعدت أدور

لحد اما عجيني الاسمين دول...

لوت شدقها ب عدم إقتناع ثم قالت ب نبرة هادئة

-طيب جواد وعارفين معناه..چيلان دا معناه إيه

-أجابها بـ إبتسامة شاردة:معناه يا ستي الغزال الصغير دا

المعنى العربي..أما بقى معناه الفارسي هو الصفاء...

إرتفع حاجبي روجيدا بـ إعجاب ليضحك وهو يُكمل

-أتمنى إن الشخصية تبقى شبه الاسم..عشان جُلنار

مطلعتش جُلنار يا بابا الحج...

ضحكت روجيدا وهى تدفن وجهها بـ منكبه ليضحك هو

الآخر هاتفًا

-والله بكلمك بـ الأمانة..مش عارف إزاي من كل عقلي سميتها

Secrets Of Stories

جُلنار..كان عقلي فين وقتها

-تشدقت روجيدا بـ مُزاح:من شابه أباه يا جاسر

-نظر إليها بـ نصف عين:إتريقي يا بنت جمال..إتريقي يا بنت

الراجل الطيب...

ضحكت بـ قوة أكبر ليجذبها إلى صدره قائلاً بـ جدية وإهتمام

-بقيتي أحسن...

أومات دون رد لهمس ب أذنها

-طب يلا ننام

-يلا...

أولته روجيدا ظهرها ليحتضنها جاسر بقوة حتى تلامس

صدره مع ظهرها..شابك أصابعه مع خاصتها والأخرى

تتلاعب ب خصلاتها الكستنائية

ما أن أولته روجيدا ظهرها حتى زال العبث والهزل من عيناه

وحل محلها قتامة وغضب..عسليتاه تحولتا من متوهجتين

ب حنان إلى أخرى أكثر ظلمة وقساوة..يعلم أن ذلك الإعياء

لم يكن سوى رد فعل لما حدث معها..تقيؤها كان نفور وتقزز

من ملمس يده على يدها..لم يفته عند دلوفهما إلى المنزل

إنطلقت من فورها إلى المرحاض وأخذت تحك معصمها

حتى إتسحال لونه الأبيض إلى اللون الأحمر

..لم يستطع كبح نظراته الإجرامية التي تجلت بوضوح ب
 عيناه..قبضتيه قد إشتدا بقوة حتى تجلت عروقه النافرة ب
 غضب ناري ورغبة كاسحة تكتسح جسده ب القتل وتمزيق
 يده التي تجرأت على لمسها

أبعد خُصلاتها عن وجهها ونظر إليها ليجد أنفاسها قد
 إنتظمت ليُقبل جانب حاجبها ثم همس بوعيد
 -هجبك حقك يا روجيدا..هجهولك متقطع حنت...

Secrets Of Stories

-مين اللي هيجبوا أجلك يا جاسر؟!...

إستدار جاسر على صوت روجيدا التي تُحدثه بتعجب

وعلى وجهها ملامح بريئة..إبتسم وهو يتطلع إلى هيئتها

الطفولية..كانت ترتدي منامة ذات بنطال و كنزة مُتشابكين

من اللون الأحمر وعليها رسمة كرتونية..تُمسك بيدها عبوة

من الشيكولاتة الذائبة وملعقة بفاها

تقدم منها وعلى وجهه إبتسامة خبيثة وعينان تتفحصانها بـ

وقاحة ثم هتف

-فروالة بـ الشيكولاتة ع الصبح...

ضحكت روجيدا وهي تتلاعب بـ الملعقة بين يديها..ليُحيط

خصرها قائلاً بـ نبرته اللعوب

-والعبد لله اللي بيحيب الحاجات دي ملوش نصيب

-هتفت بـ براءة:لأ طبعًا إزاي...

خُصلاتها ونثره بـ عشوائية.. ويده الأخرى تُحاوط خصرها
يمنعها من السقوط

تخدرت حواسها وأطرافها فسقطت عبوة الشيكولاتة
الذائبة لتتحطم إلى أشلاء.. شهقت و حاولت الإبتعاد إلا أنه
زمجر بـ إعتراض ولم يبتعد إلا أن يأخذ ضريبته الصباحية
على أكمل وجه

إستند بـ جبهته على جبهتها ثم قال وهو يُرجع خُصلاتها إلى
خلف أذنها

-يا صباح الحاجات الحلوة والشيكولاتة والفراولة والمربي
-تشدقت روجيدا بـ خجل: على فكرة أنت.. أنت رخم.. و
وقح.. أوي

-قبّل طرف أنفها بـ خفة وقال: منا عارف أوي...

ثم تحركت شفثيه ب فراشات خفيفة على أنفها و وجنتها
حتى عنقها البض..لتضحك روجيدا وهى تميل برأسها
قائلة

-خلاص بقى..أنت مش عاوز تاكل!...

همهم وشفثيه تنحدر إلى ترقوتها بقُبلات رقيقة

-منا باكل أهو..أنتي عاوزة إيه!

-مطت شفثيها ب إنزعاج ثم قالت:عاوزه علبة نوتيللا بدل اللي
وقعت دي...

نظر إلى العبوة المهشمة ليبتسم ب خبث ثم نظر إليها وقال ب
نبرة ماكرة

-اممم وإيه اللي وقعها!..أنا فاكِر أنكِ كنتي مسكاها

-عضت على شفثيها وقالت ب حنق:الله..وقعت يا

سيدي..إنزل هاتلي واحدة عشان نروح لدكتورة يلا

-قبض على ذقنها وهمس بـ إبتسامة: أنت تأمر يا فراولة
بالشيكولاتة يا أبيض أنت يا قشطة...

ثم هبط يُقبل شفيتها بـ خفة قبل أن يأخذ مفاتيحه
وحافظة النقود.. لتضحك هي بـ صخب لتهتف وهي تراه يتجه
إلى باب المنزل

-مش عارفة أنت بتجيب الكلام دا منين!
-غمزها بـ شقاوة قائلاً: اللي يحبك لازم يبدع ويتعلم الغزل
العفيف والوقح السافل القليل الأدب دا...
أغلق الباب خلفه لتنفجر روجيدا ضاحكة لتهتف وهي تميل
إلى الأرض لتزيل الشظايا
Secrets Of Stories

-مجنون.. ويموت فـ أي حاجة ليها علاقة بـ قلة الأدب...

-ما خلاص يا مروة بقى..الله مكنش موقف...

استدارت مروة بجنون وهي تقذف ما بيدها أرضاً ثم قالت
بذبرة حادة

-موقف!..البت كانت بتشقك قدامي...

ضحك شريف بقوة واضعاً يديه بخصره..لتشتعل عيناها
بغضب أكبر ثم إتجهت إليه تضرب صدره هاتفة

-وليك عين تضحك يا بتاع كرستين!..عاملي فيها فان دام
أوي ورايح تنقدها...

أمسك معصمها وهو غير قادر على التوقف عن الضحك
لتكمل حديثها بضييق

Secrets Of Stories

-ياكش يطلعها حوت يبلعها

-ضحك أكثر وقال بمُزاح:وهو في حوت ف البحر يا جاهلة!

-ضيقت عيناها وقالت بحنق:ربك قادر يبعثها ديناصور

يقرقش عضمها

-غمزها شريف وقال بعبث:يا عيني ع الحلو اللي غيران
منها...

-دفعته بعيداً عنها ثم وضعت يدها بخصرها وقالت بنبرة
سوقية

-مين دي اللي تغير منها يا دلعاوي..دا أنا عود عنها حتى
-نظر إليها بوقاحة وقال بخبث:من ناحية عود!..ف أنتي أبو
الأعواد كلها...

توترت وسقطت يدها عن خصرها وهي تُتابع عيناه التي
تتفحصها بجرأة وكأنه يتساءل ماذا يوجد أسفل هذه
المنامة الرقيقة!..ضمت مئزر منامتها القصيرة ثم هدرت بـ
تلعثم وخجل

-لأ بقولك إيه!..آآ..إحترم نفسك..عش..عشان أنا..زعلانة
أصلاً...

تقدم منها ولا تزال عيناه تتفحصها بنفس الجرأة ليقول
وهو يُمسك معصمها يُقربها إليه

-لأ كدا عيب ف حقي و واجب عليا أصالح القمر...

جاهدت لتُخفي إبتسامه خائنة ظهرت على شفيتها..ف

وضعت يدها على فاهها.. إبتسم شريف ما أن لمح تلك

الإبتسامه الضعيفة ثم قال وهو يقترب بوجهه منها

-مش بقولك بحب اللون النبتي عليك..لابساه عشاني مش

كدا!

-أعادت خُصلة خلف أذنها وقالت ب إرتباك: لا أبدًا..أنا بس

Secrets Of Stories

بحب اللون دا

-نظر إلى خُصلاتها الفحمية وقال:قولتك مليون مرة

مترطيش شعرك...

مدّ يده يُزيل المشبك لتندسل خُصلاتها الطويلة والتي تصل
إلى ما قبل خصرها بإنش..ثم تخللت أنفه خُصلاتها يشتمها
بقوة ويده الأخرى تتحرك بينه بحرية قائلاً بنبرة هائلة
-الكنز دا مُستحيل حد يشوفه غيري...

أمسك بعض الخُصلات وإبتعد عنها ثم رفعها إلى أنفه
يشتمها وعيناه لا تحيد عن عينيها التي إتسعت بقوة غير
مُصدقة لما يحدث..هتف وهو يُغمض عيناه
-فيوم سمحت لنفسي أسرق الكنز دا..لمدة دقائق..كنت زي
الغريق وإتعلق ف قشاية

-همست مروة بتحشرح:شريف! *Secrets Of Stories*

-نظر إليها بعمق ثم همس هو الآخر:فتنة شريف والله...
ثم مال إلى شفيتها يُقبلها برقة مُغمضٍ لعيناه وكأنه يتذوق
شفيتها ليبتعد عنها ويداه تتجه إلى طرفي المنزر لتُريحه
هامساً بصوتٍ أجش

-محتاج أشوف اللي تحت الروب الجميل دا...-

توجه جاسر إلى المركز التجاري القريب من البناية التي يسكن بها..ثم إتجه إلى قسم الشيكولاتة لibtاع لزوجته "النوتيل" ..جلب عدة عبوات منها الصغير والكبير غير مُنتبه إلى تلك الأعين التي تتلصص عليه

ثم إتجه إلى قسم الأطفال ..إبتاع منه ألعاب لأطفاله وبعض الثياب ..كان ينتقهم بشغف وحب كبيرين ..وعيناه تلمع بحماس ومشاعر أبوية يصعب ألا يلاحظها أحد توجهت إحدى السيدات التي كانت تتلصص عليه ثم قالت بدإبتسامه بها إعجاب كبير

-حضرتك هتكون أب مش كدا!

-إستدار إليها جاسر وبدلهفة قال:أها...-

نظرت السيدة إلى الثياب الصغيرة بيده ثم عادت تنظر إليه
وقالت

-شكلك لسه مش عارفة ولد ولا بنت

-إبتسم وقال: لأ عارف..هما توأم ولد وبنت

-إلتمعت عينا السيدة وقالت بسعادة: ألف مبروك..أنا

كمان أخويا مراته حامل وحببت أشتريه حاجة

-ألف مبروك ربنا يقومها بسلامة

-مرسيه...

صمتت قليلاً ثم قالت وهي تبتسم ب حرج

-أعذرني بس أنا كنت براقبك من أول أما دخلت المول

-عقد جاسر حاجبيه وقال بدهشة: تراقبيني أنا!

-أومأت برأسها وأردفت: اللي ينزل بهدوم البيت ويدور على

النوتيل لمراته اللي شكلها بتتوحم عليها و باين ف عنيه

الحب.. حتى حماسك وأنت بتجيب هدوم البيبي محدش
يقدر ميلاحظهمش...

نظر جاسر إلى ثيابه فوجد أنه يرتدي بنطال بيتي أسود
وكنزة قطنية بيضاء ذات فتحة عنق مُثلثية.. ولكن حديث
سيدة عن حبه الواضح لم يستوقفه بل إبتسم بشرود
وقال

-لما تلاقي حد بيسحبك من هوة سودا لنور أبيض ويستحمل
منك اللي مفيش بشر يقدر يستحمله.. يبقى أكيد عيني مش
هتقدر تداري الحب دا.. دا لو يُصنف تحت بند حب...

توجه إلى العامل ليقوم بدفع ثمن المشتريات ثم أكمل
حديثه وهو ينظر إلى السيدة التي كانت تبتسم

-دا مش حب.. دا شغف وإحتلال.. هي إحتلتي كلي.. مش قلبي
بس

-مالت برأسها إلى الجانب وقالت: على فكرة إبقى إفتح
السوشيال ميديا وشوف أنت قالبها إزاي

- اشار إلى نفسه وقال ب صدمة: أنا!

- أومأت برأسها وقالت: أها.. حتى مكتوب "الرجل الذي جث
أمام إمرأته" ..دا غير الشخص اللي ضربته عشان قرب
لمراتك...

ضحكت السيدة وقالت ب مزاح

- إبقى إرتقي نفسك ومراتك.. عيون الناس بقت وحشة
جدا.. وعلى فكرة أنا بحترم الرجالة اللي مبتتكسفش تظهر
حبها ف أي وقت.. لأن مش كل الرجالة ليها القدرة على كدا...
أخذ جاسر المشتروات وعقله يُفكر فيما قالتها السيدة ف
يبتسم.. كاد أن يصعد إلى البناية ولكن أوقفه صوت غريب
- أنت رايح فين يا جدع أنت...

إلتفت جاسر إلى مصدر الصوت ليجده رجل يبدو ب عقده
الخامس.. يتفحصه ب نظرات متوجسه ليرفع حاجبيه
ويتساءل

-أنا المفروض اللي أسأل يا كابتن.. أنت اللي مين!
-تقدم الرجل منه وقال: متردش عليا سؤال بسؤال.. أني اللي
سألت الأول

-عض جاسر على شفاه السفلى وقال: يا صبر أيوب.. أنت
بواب جديد مش كدا!

-إبتسم البواب بجدل وقال: أيوة يا بيه.. أنا شادي البواب
الجديد

-هتف جاسر بـ إستنكار: إيه! إيه!.. شادي إزاي؟

-عقد شادي حاجبيه وقال: شادي إزاي يعني!.. أبويا سماني
شادي

-هتف جاسر بـ تهكم: ما هو مكنش يعرف إنك هتبقى بواب...

نظر جاسر إلى رجلاً آخر يقوم بنثر الماء أمام البناية

ليتساءل وهو يُشير إلى الآخر

-ودا مين دا كمان

-إبتسم شادي ثم قال وهو يُشير إلى الرجل:دا!..دا حمادة
الصبي بتاعي

-عقد جاسر حاجبيه وتساءل:حمادة دا اسمه الطبيعي!

-رفع شادي حاجبيه وقال:أيوة يا باشا..أبوه سماه حمادة...

أوماً جاسر برأسه ثم إستدار ليصعد إلا أن صوت الآخر
أوقفه

-بس حضرتك مقولتليش..أنت مين!

-رد جاسر بتجهم:أنا جاسر الصياد..ساكن معاكوا ف الدور
السابع

-جاسر باشا..البواب القديم موصيني عليك يا باشا..تؤمرني
ب حاجة!

-لا يا أخ شادي..دا أنا أتكسف أأمرك ب حاجة...

ثم صعد إلى الطابق الخاص به ودلف إلى المنزل..وضع
المشروبات بتجهيم..لتخرج روجيدا من الغرفة لتجد جاسر
مُتجهم الوجه ف سألته وهي عاقدة لحاجبها

-مالك يا جاسر في إيه!

-نظر إليها وقال بتهكم:أنا لازم أغير اسمي ل ميشو عشان
يمشي مع stuff البوابين الجُداد...

ضحكت روجيدا بقوة ثم قالت وهي تُقلب الحاجيات
-ميشو ليه يعني

-البواب اسمه شادي والصبي اسمه حمادة..أكيد مراته
اسمها سحر...

وضعت روجيدا يدها على فاهها تضحك بقوة ثم قالت وهي
تُحاوط عنقه بدلال

-بس أنا عاجبني جاسر أوي..شادي دا مش حلو

-إبتسم جاسر وقال ب خبث:حتى شادي توتو أوي..إنما إحنا

خلينا ف جاسر والشيكولاتة

-نظرت إلى الحقيبة البلاستيكية وقالت:وأنت جايب كتير

أوي!

-غمزها ب وقاحة قائلاً:عشان محرمكيش من حاجة..والعبد

لله يستفيد برضو...

ضحكت ب قوة وهى تُعانقه ليميل إليها ويُقبل وجنتها ب عمق

ب المساء كانا قد وصلنا إلى القصر..ربت جاسر ب يده على يد

Secrets Of Stories

روجيدت وتساءل ب حنو

-بقيتي كويسة يا حبيبتي!

-أومأت برأسها وقالت:أنت عارف يا جاسر إني أكلت

شيكولاتة كتير وكان لازم أتعب

-لثم كفها وقال:ولا يهملك يا حبيبتي..أهم حاجة إنك كلتي
اللي نفسك فيه..يلا ننزل...

هبطا من السيارة ليُحاوط منكبيها ثم قال بابتسامة
-أظن سمعتي الدكتورة..بلاش حركة كثير عشان الحمل
مُتعب

-نظرت إليه وقالت:طلع بنت و ولد زي ما قولت
-ضحك وقال بـمُزاح:عشان تعرفي إني مكشوف عني
الحجاب

-ردت عليه بـ نفس النبوة المازحة:بركاتك يا سيدنا الشيخ...
ضحك جاسر مرةً أخرى ثم لثم جانب عيناها وإتجه إلى
الداخل

-اللي فضحنا فكل حته...

إستدار كُلاً من جاسر وروجيدا على الصوت الذي صدح

من خلفهما ليجدا بسنت وصابر قد عادا من شهر

عسلهما.. إندفعت بسنت إلى روجيدا وقالت بصدق

-وحشتيني يا حي

-ربتت على ظهرها وقالت: وأنتي أكثر يا بوسي.. أهم حاجة

أتبسطي!

-همست بابتسامة: أنتي بتسألني!.. طب دا صابر لو طال يجيلي

حتة من السما مش هيتأخر

-إبن حلال صابر...

وعلى الجانب الآخر عانق جاسر صديقه وقال بسعادة

-حمد لله ع السلامة يا عريس

-ربت صابر على ظهره وقال: الله يسلمك يا جاسر...

إبتعدا عن بعضهما ثم قال صابر بمُزاح

-مترحش حفلة إلا وتخرمها..فضايحك مالية الجرايد..ولا

العاشق اللي جثى أمام امرأته..إيه دا يا عم

-قست ملامح جاسر وقال:بلاش نتكلم ف الموضوع دا يا

صابر دلوقتي

-توجس صابر وقال:خير يا بني!

-بعدين..بعدين عشان روجيدا بس...

أوما صابر بتفهم ليتها ويجلسا على الأريكة..ركضت

الصغيرة بأحضان والدها ثم قالت ب حزن

-أنت ومامي ليه مش جيتوا إمبراح؟

-قبّل وجنتها وقال:مكنش ينفع أرجع بالليل متأخر وأنا

سابق..ينفع يعني أبقي تعبان وأسوق

-حركت رأسها نافية وقالت:لأ مش ينفع..خلاص مش زعلانة

يا بابتي

-حبيبة قلب بابي...

نظرت الصغيرة إلى والدتها ثم قالت وهي تُشير إلى بطنها
المنتفخ

-أخواتي هيجوا أمتي بقى!

-إبتسمت روجيدا وقالت:قريب يا حبيبتى إن شاء الله...

نظرت فاطمة إلى جاسر وتشدقت

-روحوا لدكتور يا جاسر!..أنت قولت إن روجيدا تعبانة!

-أيوة يا أمي..روحنا والحمد لله الأمور تمام..هي بس بتستفرغ
الأيام دي كثير وأحنا مش هنكون معاها طول الوقت وهي
بتتعب بعدها ومبتقدرش تتحرك...

Secrets Of Stories

ربتت على ساقه ثم قالت بإبتسامة

-الحمل ف الفترة دي بيكون مُتعب خاصة لو توأم

-وضع جاسر يده ب خصره ثم قال بتهيدة:طب أنا هجيب
حد يساعدها...

قفزت بسنت ب حماس ثم قالت وهى تُصفق

-خلاص هساعدها أنا...

لتقفز جُلنار هى الأخرى قائلة ب حماس يوازي حماس بسنت

-وأنا كمان هساعد خالتو ومامي

-تشدق جاسر ب تهكم وهو يُشير إلى بسنت ثم جُلنار: وإتلم

المتعوس على خائب الرجا...

نظرت إليه بسنت ب ضيق وقالت ب إمتعاض

-متدخلش أنت وهتكون كل حاجة كويسة

-ضيق جاسر عيناه وقال: وأنتي لسه راجعة من شهر

العسل..إيه اللي جابك علينا زي القضى!

-عانقت روجيدا وقالت: أختي وحشتني...

أشهرت سبابتها ب وجهه وقالت ب صرامة

-وخذ بالك أنا هفضل هنا لحد اما تولد..هقعد على قلبك يا
جاسر يا صياد

-حرك يده ب الهواء وقال:قلبي مش مستحمل ياختي

-حركت منكبيها ب فتور قائلة:مليش دعوة..أنا قولت اللي
عندي...

نظر إليها جاسر شزراً ولم يرد..بل ربت على مكنب جُلنار
وقال ب تجهم

-يلا يا جُلنار أطلعي نامي ومتقعديش مع خالتو بسنت
عشان بتاكل العيال الصُغيرة

-ضحكت جُلنار وقالت:لا يا بابي..خالتو بسنت طيبة مش
بتعمل حاجة...

نظرت إليه بسنت ب إنتصار..ليقول جاسر ب عصبية

-بت أنا أبوكي واسمعي الكلام..خشي نامي الوقت إتأخر

-زمت شفيتها وقالت:طيب..تصبح على خير يا بابي...

ثم قبّلت وجنته وقفزت عن الأريكة.. إتجهت إلى روجيدا
وبسنت وفعلت المثل.. ثم إتجهت إلى فاطمة التي أخذتها إلى
عُرفتها

في صباح اليوم التالي
كان جاسر يقص على صابر ما حدث يوم الحفلة.. إتسعت
عينا صابر وهو يقول بصدمة
-هي العيلة دي شر مكانًا على الأرض!
-قولي بس أعمل معاهم إيه أكثر من كدا!.. قولت إن سليمان
الزفت دا هيتعظ من اللي حصل بس طلع **** منه
-طب هتعمل إيه!

-على يدك.. هروح لحد من معارفي ف أمن الدولة
يتصرف.. بعد اللوا يُسري أما توفى.. وأنا مش عارف أتعامل
مع حد منهم هناك...

زم صابر شفتيه وقال بعد تفكير

-طب دا هيتمسك بتُّهمة إيه!

-أكيد مش هيختلف عن عيلة تاريخها مُشرف ف تجارة

السلاح...

صف جاسر السيارة بعدما وصلا إلى وجهتهما..صعد إلى تلك

البناية ثم طرق باب أحد الشُّقق ليفتح له الباب رجلاً

وقور..إبتسم جاسر وقال ب حبور

-رفعت باشا..إزيك

-تقدم رفعت وقال ب إبتسامة: جاسر باشا الصياد..إتفضل

Secrets Of Stories

كنت مستنيك...

دلف كلاً من صابر وجاسر إلى المنزل ليُشير إليهما رفعت إلى

غُرفة الصالون..جلسا وبعد دقائق وضعت أمامهم فتاة

ذات عينان زيتونية كؤوس الشاي وبعض الكعك ثم رحلت

تنحج جاسر وقال ب هدوء ظاهري

-كنت جاي لحضرتك ف موضوع

-رد عليه رفعت:أيوة عارف..اللوا سعد كلمني وحقالي كل

حاجة..بس أنا مش اللي معني ب الموضوع

-عقد جاسر حاجبيه وقال:أومال مين!

-إبني

-ابن حضرتك

-أوما رفعت ب تأكيد وقال:أنا إتقاعدت من ستة تقريبًا بس

إبني يقدر يساعدك..ثواني هديله خبر عشان هو عنده

شغل

Secrets Of Stories

-أخذ جاسر نفسًا عميق وقال:إتفضل...

نهض رفعت ودلف إلى إحدى الغرف..دقائق وعاد ومعه

شخص قوي البنية جاد الملامح وب نفس الوقت هادئة

وقورة..عيناه بُنيتان ولكنها تستطيع سبر أغوار من أمامها

تقدم ذلك الشخص منهما وقال ب إبتسامة

-إزيك يا جاسر بيه!..إتفضل

-مُتشكر...

جلس الجميع ليبدأ ذلك الهادئ الحديث

-الأول أعرفك بـ نفسي..أنا يونس أبو شادي..ظابط فـ

المُخابرات برتبة عقيد

-أهلاً وسهلاً

-أوماً يونس برأسه وقال:أنا والدي حكالي على كل

حاجة..بس ممكن أفهم أنا دوري إيه!..حضرتك هو مفيش

أي تُهمة عليه

Secrets Of Stories

-حك جاسر جهته وقال:بس تاريخ العيلة مش مُشرف

-أشار يونس بيده وقال:ودي نقطة أقدر أبدأ منها..بس

محتاج الاسم عشان اقدر أبدأ منه

-اسمه "سليمان سليم الهواري"...

دون يونس الاسم ب أحد الأوراق ثم قال وهو ينظر إلى
جاسر

-تمام..بس أنا هحتاج شوية وقت عشان كل اللي هعمله

بعيد عن مهمات رسمية..إلا لما يكون معايا دليل كافي

-أنا مش عاوز غير إني أعرف هو فين وأنا هكمل الباقي...

صمت يونس قليلاً وقد بدأ يستوعب أن جاسر لا يريد

سوى التعامل مع الأمر ب بدائية وبطريقة غير

قانونية..شابك يونس أصابعه وقال

-جاسر بيه..مش كل حاجة هتمشي ب الدراع..أنا مقدر

موقفك ومقدر كل اللي قدمته قبل كدا..أنا عارف دور

حضرتك ف إحباط عمليات كتير ب خصوص تجارة السلاح

اللي ف صعيد..والحكومة اللي شبه إدتك حصانة عشان

تتصرف ب إريحه لكونك أسرع تحرك منهم وسريع

البدية..بس مش كل مرة هتسلم الجرة

-حك جاسر فكه ب غضب وقال:نهائيه!

-إبتسم يونس بـ نفس الهدوء وقال:سبني أنا أتعامل مع
الموضوع..كل اللي عليك زودني بـ معلومات وأنا هجبلك
حقك تالت وملتت..وصدقني هخليك تتشفى فيه..بس بلاش
شُغل الخارجين عن القانون دا...

نظر إليه جاسر مُطوِّلاً..نظرة جعلت يونس يتيقن أن جاسر
الصياد ليس من مَنْ يستسلمون بـ تلك السهولة..لينهض
جاسر وهو يقول بـ جفاء

-متشكر يا حضرة العقيد..تعبتك معايا
-نهض يونس يُصافحه وقال:ولا يهملك..أنا ف الخدمة..أتمنى
بس حضرتك تسمع كلامي

Secrets Of Stories

-تشدق جاسر بـ سخرية:طبعًا..بعد إذنكوا...

توجه جاسر إلى باب المنزل ومعه صابر ليخرجا..ما أن خرجا
حتى سأل رفعت ابنه قائلاً

-أنت إيه رأيك!

-إبتسم يونس وقال: جاسر الصياد مش سهل..ولا هيسيب
الموضوع..عشان كدا أنا لازم أتحرك..سليمان دا تعبنا عما
وصلناله...

ب الأسفل

صعد جاسر السيارة وب جانبه صابر الذي تساءل

-ناوي على إيه..هتسيبه فعلاً للظابط دا!

-أدار جاسر المحرك ثم قال ب قتامة:وأنا من أمتي بسيب

حقي...

Secrets Of Stories

بعد مرور خمسة وأربعون يوم

كان الجميع يجلس على طاولة الطعام حتى صرخت نادين

فجأة تقول ب هلع جعلت سامح يسعل الطعام من فمه

-إلحقني يا سامح أنا بولد

-تولدي إزاي!

-صرخت ب حدة:زي أي واحدة بتولد..و ديني المستشفى هولد
على نفسي...

نهضت روجيدا وفاطمة يُمسكان بيدها..أما بسنت فقد
نهضت تحتضن الصغيرة

نهض جاسر يقول لسامح الجالس ب صدمة

-قوم فز يا مُتخلف..أنت لسه هتتصدم

-هتف سامح ب صدمة:مراتي بتولد!

-تشدق جاسر ب سخريه:مبروك يا راجل..أنا فكرتها حامل...

إنفض سامح فجأة ثم نهض وركض إلى باب القصر هاتفاً

Secrets Of Stories

-نادين بتولد

-ضرب جاسر جهته ثم صرخ ب يأس:خد يا بني نسيت

مراتك...

عاد سامح وهو يضري جهته..ثم حمل زوجته التي صرخت

به ب إنفعال

-منك لله..هتموتني قبل أما أولد

-هتف بتوتر:بعد الشر عليك يا حبيبتى ثواني وهنكون ف
المستشفى...

وضعتها بالأريكة الخلفية..صعد سامح جانبها وعلى الناحية
الأخرى والدته..بالأمام جاسر وروجيدا..وخلفهم بسيارة
أخرى

تشدق سامح وهو يضغط على كف نادين

-حد يبلغ حمايا

-ردت عليه روجيدا:صابر وبسنت رايعين يجيبوهم...

أوما سامح برأسه ثم مال على جهة نادين التي تصرخ ليقول
بتوتر

-خلاص يا حبيبتى..هانت...

أومات برأسها وهي تبكي مُتألمة

كان الجميع يقف أمام الغُرفة التي دلفتها نادين وسامح بـ
 توتر.. يسمعون صوت صراخ نادين.. كانت آمال تبكي وهي
 تتضرع إلى الله.. حتى سمعو بعد مدة طويلة صوت
 بُكاء.. تنفس الجميع براحة وبدأت التهنئات

خرج سامح وعلى وجهه ابتسامة يرفع إبهامه في علامة توجي
 بـ أن كل شيء على ما يُرام ثم قال بـ حبور وعبرات سعادة
 تذرّفها عيناه

-اليوم يشهد ميلاد إيلاف سامح الصياد...

Secrets Of Stories

الفصل السابع والأخير

سأضحى من أجلك ولحماية الشيء الجميل الذي بيننا، حتى يتوقف قلبك عن الخفقان...

الجميع يجلس بـ المشفى بـ الغرفة الخاصة بـ نادين والإهتمام ينصب فقط على الوالدة والطفلة الملائكية.. كان سامح

شغوف بها كثيرًا لا ينفك يحملها ويغني بها.. تبكي في حملها ولا يسمح لأحد أن يمسه.. حتى انفجرت آمال قائلة بـ ضحك

-يا حبيبي مينفعش تفضل شايلها كدا.. أكيد محتاجة مامتها تأكلها أو تغيرلها.. مش كل عياط نوم

-غمغم بـ ضيق: بس يا حماتي *Secrets Of Stories*

-ضحكت قائلة: مبدش يا حبيبي.. سيمها شوية لأمها...

أومأ لها بـ موافقة ثم أعطاها إلى نادين على مضض.. ولكن كل ذلك تلاشى ما أن لمح عيناها تدمعان بـ عاطفة أمومية جعلته يجلس بـ جوارها يُقبل جبينها بـ حنو هامسًا

-إيلاف.. بنت سامح ونادين.. ربنا يخليها لينا

-إستندت على صدره وقالت: أمين يا حبيبي...

وبعد مرور أربعة عشر يومًا.. إستقرت أوضاع نادين وسامح

الذي لم يقبل بإقامة حفل "السبوع" بل أخرج العديد من

المبالغ المالية يتصدق بها هاتفًا بوالدته التي إعتضت

-الفلوس دي الناس أولى بيها.. بدل أما أصرف حبة فلوس

عشان الناس تيجي تتفرج على بنتي.. لأ دا أنا أكسب بيهم

ثواب أحسن...

ولم تجرؤ فاطمة على الإعتراض.. بل إبتهجت بوالدها

الصغير.. وزوجته تلك التي أصبحت مُدلة العائلة من

صغيرها إلى كبيرها حتى جُلنار تلك الصغيرة التي لا تترك

نادين مُطلقًا.. فهي تُداعب الصغيرة بإنهيار طفولي رائع ولم

يستطع جاسر كبحها فتركها تلهو بعيدًا عنه وعن زوجته

وبُغِرتهم كانت روجيدا تجلس على الفراش وجاسر يجلس
على أحد المقاعد يُنهي بعض الأعمال لتقول زوجته بـ
إبتسامة

-مش كفاية شُغل بقى يا جاسر..هتتعب

-رد عليها دون أن ينظر إليها:سامح لسه منزلش

الشُغل..والحمل تقل عليا أنا وصابر...

نهضت روجيدا على مهل و توجهت إليه..أبعدت حاسوبه

المحمول و وضعت على الطاولة أمامهم..ثم جلست على

ذراع المقعد وقالت وهي تُداعب ذقنه الغير حليقة

-برضو كفاية..أصلاً أنت وحشتني

-حاوط خصرها وقال بـ عبث:قولي بقى دا أشتياق

-حركت كتفها بـ دلال قائلة:ولو عندك مانع؟!

-قرص وجنتها مُتشدقاً:مانع بس إزاي!..دا أنا أما صدقت

سريت جُلنار هانم..مبهورة أوي بـ إيلاف

-أومأت قائلة: ما شاء الله عليها..سامح متعلق بيها جداً..ربنا
يخليهاله يارب...

أمن على دُعاءها ثم وضع يده على بطنها الذي برز بشدة
وقال

-و البهوات دول هيشرفوا أمتي إن شاء الله

-ربك يسهل..فاضلي شهر ونص لسه

-رد عليها بشوق: بصراحة مش قادر أستنى أكثر

-ضحكت قائلة بمُزاح: خلاص مد إيدك وهاتهم

-غمزها بعث ثم أردف بنبرته اللعوب: أنا أه همد إيدي بس

مش هجيهم..أنا هعمل بيهم حاجة تانية...

عضت روجيدا على شفيتها بخجل ثم قالت بحنق وضيق

-قليل الأدب..قليل الأدب

-قرب رأسه منها وقال بمرح: وربك يعلم إني معدوم الأدب

أصلاً...

حركت رأسها بيأس ولكنها لم تلبث أن تأوهت بـ خفوت
ليضحك قائلاً وهو يتحسس ركلة صغيريه
-شوفتي ولادك بياكدوا على كلام أبوهم...

ضحكت ولم ترد عليه بل وجدته يضع رأسه على بطنها
ليستشعر تحركات الجنين ثم هتف بصوتٍ أجش
-الضربة دي بحسها ضربة حياة ليا..مين كان يصدق إن
جاسر الصياد يقع ف عشق أجمل النساء لأ ويبقى أب
لبنوتة لمضة وأثنين جايين ف الطريق!...

رفع رأسه ينظر إليها ثم تساءل

Secrets Of Stories

-تصدقني

-وضعت يدها على وجنته وقالت:ربنا لما بيقدف حب حد ف
قلبنا منقولش صدق أو متصدقش..دي تدابير من عند ربنا
وحكمته...

أمسك يدها وقبّلها ثم إرتفع إلى وجنتها هابطًا إلى عنقها ف
أبعدته روجيدا هامسة

-خلاص بقى يا جاسر..والله تعبانة

-رد عليها ببراءة طفل:هو أنا جيت ناحيتك دلوقتي..أنا بس
بمسي عليكِ

-ومسيت

-رفع حاجبه وقال:لا والله لسه..أنا كان ف خيالي حاجة
تانية..خصوصًا إن ست الدكتوراة مُشتقالي...

أمسكت يده تسحبه خلفها ليتها إلى الفراش ثم قالت ب
سُخرية

-أنا قصدي إشتياق برئ مش زي اللي ف دماغك

-ضحك ب عبث قائلاً:والله كل واحد وإشتياقه...

تسطحا على الفراش ليجذبها إلى أحضانها يسير ب أنامله بين
خُصلاتها ثم همس ب مرح

-بس طالما الكونتيسة تعبانة..يبقى نقضها أورد يحي

-ضحكت ثم قالت:بيئة أوي يا جاسر

-لثم جفنها وقال:وماله..حتى ننوع عشان الروتين

-صدقني لو بقيت مُحترم هتكسر الروتين

-ضحك ثم قال بعبث:لأ مينفعش صدقيني..دا حتى غلط

على الأمن القومي...

صرخت ب ألم وخجل وهي تستشعر يده تقرص خصرها

لتجذب الغطاء عليهما هاتفة ب حنق

-إقفل النور ونام يا جاسر..أنت جنبك مفيش أمان

-دثرها ثم همس ب نبرته اللعوب:قصداك مفيش تربية...

-أستنى يا شريف...

هرولت مروة خلفه وهو يقف على باب المنزل ليقول على
عجالة

-إتأخرت على الشغل يا حبيبتى...

أمسكت يده ثم وضعت بها شطيرة صنعتها وقالت ب حنو

-عشان كدا عملتلك الساندوتش دا تاكله وأنت رايح الشغل

-قبل كفها قائلاً:ربنا يخليك ليا

-ويخليك ليا...

وبسرعة وضعت قبلة على شفثيه ليبتسم ب خبث هاتفاً

قبل أن يرحل

Secrets Of Stories

-الموضوع دا هنتفاهم فيه لما نرجع

-دفعته هاتفة ب خجل:يلا هنتأخر...

أمسك ذقنها ليرد لها القبلة ثم همس

-سلام يا قمر...

ضحكت مروة وهي تغلق الباب خلفه.. فمُنذ أن عادا من شهر العسل وهي لم تشعر بأي فرق.. شريف يُدللها.. شريف يعشقها أكثر.. شريف لم يتغير.. شريف يغرق بها أكثر.. تتذكر تلك المرة التي ترك بها عمله ثم عاد فقط لأنه إشتاقها وإشتاق عناقها الدافء

تمهدت بحب ثم بدأت أعمال المنزل الروتينية تُنظف ثم تُعد الطعام وتنتظره.. ليصلها رسالة يعتذر لها عن الحضور لإنشغاله ببعض الأعمال وأوصاها أن تأكل وألا تنتظره زمت شفيتها بضيق ولكنها ما لبثت أن قامت بوضع الطعام بـعُلب بلاستيكية ثم صعدت وأبدلت ثيابها لتذهب إليه
 كان مُنهمك بشدة بأعماله ولم ينتبه إليها.. إستدارت حول المكتب ثم وضعت يدها على عيناه وهمست بدلال
 -شريف!...

إنتفض عندما وُضعت يد علي عيناها ولكن ما أن همست ب
صوتها الذي ملأه الدلال إبتسم براحة وإشتياق لها ثم
همس هو الآخر
-فتتة شريف...

أمسك يدها يجذبها أمامه ثم نهض وقبّل كفها مُتسائلاً
-جيتي ليه!

-حاوطت خصره بيدها الحرة وقالت: خرجت من غير أما
تفطر كويس وهتتاخر على الغدا.. وبصراحة قلبي
مطاوعنيش أسيبك...

نظر إلى العُلب البلاستيكية وتفوح منها رائحة شهية ليبتمسم
بإشراق هامساً بنبرته العميقة

-أعمل إيه فيك بس!..أعمل إيه فحُبك دا!

-مالت برأسها ثم قالت بابتسامة: حبني

- حاوط خصرها جاذبًا إياها إليه وهمس: وهو أنا ينفع أعمل
حاجة غير إني أحبك!...

وضعت يدها على صدره ليغمزها بعبث رادفًا

- صحيح في موضوع متأجل من الصُبح

- شهقت قائلة: شريف!

- زمجر شريف هاتفًا: فتنة شريف...

ثم هبط إلى شفيتها يُكمل الموضوع المؤجل صباحًا.. و ينوي
أن يشرحه ب أدق تفاصيله.. دفعته مروة بذعر ما أن وجدته
يفقد سيطرته هامسة ب خجل

Secrets Of Stories

- شريف.. حد يدخل

- مسح على وجهه وقال ب ضيق: طيب يلا ناكل عشان ما

أكلكيش دلوقتي...

أومات ب خفوت ليجلس هو على الأريكة وجلبت هي

الطعام.. وضعت على الطاولة الصغيرة أمامهم شرعا ب تناول

الطعام تحت نظرات شريف التي تزداد عشقًا فوق
 عشق.. تلك الجنية الصغيرة التي قذفها جاسر الصياد بـ
 طريقه ف تعرقل قلبه بها وسقط بها.. تحتويه دائمًا تمثل له
 الدفء والتعقل.. كلماتها كانت بسلم شافي لجميع
 مشاكله.. لا يستطيع التخلي عنها فهي أضفت على حياته
 نكهة لم يكن ليتذوقها دونها
 دارت كل تلك الأفكار برأسه ليجد نفسه يُحيط عُنقها فجأة
 يُقبلها بقوة وكأنها منبع تنفسه

بعد مرور شهر وبمنتصف الليل.. إنتفض جاسر على
 صرخة روجيدا.. لينظر إليها بفرع مُتساءلاً بتلعثم

-م..مالك

-صرخت ب ألم:بولد

-وضع يديه على رأسه وهدر: تولدي إزاي!.. لسه فاضل
أسبوعين

-صرخت مرةً أُخرى: معرفش إتصرف.. هولد على نفسي...
نهض سريعًا عن الفراش ليرتدي كنزة قطنية ليُغمغم بـ
إنفعال

-نفسى مرة تولدي ف معادك زي باقى الخلق...
توجه إليه يحمل بيده سترة خاصة به وضعها على منامتها
الرياضية و وضع الوشاح حول رأسها بـ عشوائية.. ثم حملها
بـ نفس الوقت الذي دلفت له والدته وسامح يتساءل إن بـ
ذُعر
Secrets Of Stories

-فى إيه يا جاسر

-تحرك بها خطوتين يقول بتوتر: روجيدا بتولد...

أفسحاله المجال ليمر بها و روجيدا تصرخ بـ ألم ليهمس
جاسر بـ حنو

-إهدي يا حبيبتى..عشر دقائق وهنوصل..متخافيش...

أومات برأسها تدفن وجهها بعنقه تعض على شفيتها أماً
لهدر جاسر

-إتنفسي يا روجيدا..إتنفسي يا حبيبتى

-صرخت:بتنفس..والله بتنفس...

كان قد وصل إلى السيارة..لئسرع سامح ويفتحها فوضع
روجيدا بالمقعد الخلفي..قبل أن يلتفت إلى والدته قائلاً
بسرعة

-جيبى جُلنار وهدوم لروجيدا

Secrets Of Stories

-أومات قائلة:طيب يا حبيبي..روح أنت...

كان سامح قد أدار المُحرك ليصعد جاسر بجانب زوجته
يُمسك كفها بين يديه يُهدأها

دقائق من قيادة مُتهورة كانوا قد وصلوا إلى المشفى.. حمل
جاسر روجيدا ثم صعد بها إلى الأعلى.. كان قد إتفق مع
طبيبة ب المشفى من أجل زوجته

وضعبها على أحد المقاعد ليرت على رأسها قائلاً
-هجيب الدكتور وأجي...

ب الرغم من تأخر الوقت ولكن جاسر قد هاتف الطبيبة
التي حضرت ثم أشارت سريعاً إلى أحد الغرف.. سألته
الطبيبة

-تحب تتدخل مع المدام ولا تستنى هنا...

نظرة سريعة إلى زوجته التي تعاونها الممرضة على تبديل
التياب وتألّمها الواضح ليقول ب إصرار

-مش هسيب مراتي...

أومأت الطبيبة بتفهم ثم أشارت إليه بدلوف ليرتدي هو
الآخر زي مناسب.. أمسك يد زوجته التي تفحصها الطبيبة
رادفة بعملية

-المائة نزلت.. مستعدة يا مدام...

نظرت إلى روجيدا التي أومأت بهستيرية فربت جاسر على
خُصلاتها التي إلتصقت بدجبتها لتقول الطبيبة
-تمام.. يلا يا مدام خليك معايا...

بدأت روجيدا بتتبع تعليمات الطبيبة لتصرخ بآلم.. ف
همس جاسر بقلق

-إجمدي يا روجيدا.. هانت يا حبيبتى

-صرخت روجيدا قائلة: منك لله يا جاسر.. أجمد إيه!!.. بكرة
تبقى مكاني...

ترك يدها ثم إبتعد عنها بددهشة وحنق ليهدر

-مكانك إيه!..أنا مقدر اللي أنتِ فيه..لكن متوصلش
لدرجادي...

صرخت روجيدا مرةً أُخرى ب ألم ليعود سريعًا ويُمسك
يدها..دقائق وسمعا صرخات الرضيع..سلمت الطيبة
الطفل إلى الممرضة لتقول بإتسامة

-مبروك..الأول الولد...

قَبَل جبينها وقد أدمعت عيناه ليقول ب خوفوت

-جواد وصل..شدي حيلك عشام چيلان...

أومأت ب بُكاء..قبل أن تصرخ ب ألم تتحمل قدوم الصغيرة
الأخرى..وبعد دقائق عديدة..بُكاء الرضيعة أنبأتهم ب وصول
الطفلة

أرجعت رأسها إلى الفراش..ليُقبل جاسر جبينها المُتعرق

هامسًا بنبرةٍ مُتَحشِرة

-حمد لله على السلامة...

إبتسمت روجيدا بوهن ثم قالت

-عاوزة أشوف ولادي

-عاد يُقبل جبينها ثم قال: حاضر...

تقدمت منه الممرضة تضع الصغير جواد بين يديه ثم

الصغيرة چيلان بين يدي والدتها..كانت روجيدا تبكي

وتضحك بآنٍ واحد

هبط جاسر يُقبل صغيره..ثم أذن بـأذنيهما ليمس بـنبرة

تحمل عواصف من الأبوة

-جُلنار جاسر الصياد..أول فرحتي

Secrets Of Stories

جواد جاسر الصياد..سندي الأول

چيلان جاسر الصياد..مُدلتني الصُغيرة...

عدل صابر من وضعية قميصه ثم هدر لكي يصل صوته إلى

بسنت بـالأعلى

-يلا يا بسبوسة..هنتأخر على أختك...

ثم توجه بعدها إلى الطاولة يجذب مفاتيحه وينتظر بسنت
والتي هبطت الدرج على مهل وتعلو وجهها إبتسامة غامضة
، غريبة ، ولكنها تحمل معنى لم يفهمه أو ربما فهمه ولكنه
يحتاج إلى تأكيد..إبتلع ريقه ب صعوبة وهمس بصوت يكاد
يُسمع

-مالك بتبصيلي كدا ليه...

وضعت كلاً كفيها خلف ظهره وظلت تتحرك بجزعها
العلوي يميناً ويساراً وتلك الإبتسامة تتسع وتُصبح أكثر
إشراقاً..تقدم منها بهدوء وقال

-بسنت!..عشان خاطري قوليلي في إيه!...

جذبت يده ووضعتها على بطنها ثم همست بسعادة وعينان
تطفرات منها العبرات

-مبروووك يا حبيبي..شيلالك أمانة جوايا

- إتسعت عيناه بقوة وهمس ب عدم

تصديق: يعني.. أنتِ.. ح.. حامل.. وأنا آآ.. أنا هبقى أب...

أومات برأسها وهي تعض على شفاها السفلى.. ليصرخ صابر

ب حماس قبل أن يرفعها بين يديه ويدور بها بقوة ثم صرخ

مرة أخرى مُتشدقًا

- هيبقى عندي ثلاث بنات أخيرًا

- رددت ب ذهول: ثلاثة!...

أوما وهو يُنزلها.. ليُمسك كفها ثم أخذ يُعدد على أصابعها

الصغيرة

- نور.. وأنتِ.. قرة عيني اللي هتيجي ف الطريق

- إبتسمت ب دفاء قائلة: مبروك يا أبو البنات

- طب أنتِ عرفتي إزاي!

-سردت عليه ب هدوء:شكيت من فترة و روحت عملت
تحليل والدكتورة كلمتني وقالتلي إني حامل ف الأسبوع

السادس

-لثم جبينها وما بين عينها ثم تشدق:ربنا يتممه على خير
يارب..وتقوملنا ب السلامة...

قبّلت وجنته ثم أردفت ب إبتسامة

-يلا عشان روجيدا..وكمان نلحق نzf الخبر...

أمسك كفها وهو يبتسم ب حنو وإتجها إلى الخارج

Secrets Of Stories

بعد أن رحل الجميع وزفت بسنت إليهم خبر حملها حتى

صاح الجميع ب سعادة..ولكنهم رحلوا سريعًا وكان أولهم

بسنت وصابر الذي تحجج قائلًا

-هنروح نحتفل بقى..مبروك يا جاسر...

ثم سحب خلفه بسنت خلفه سريعاً قبل أن يعترض
أحدهم..وبعدها بقليل رحل الباقيين لكي تحصل روجيدا
على قدرٍ كبير من الراحة قبل أن ترحل مساءً تاركين جُلنار
بناءً على رغبتها فهي لم تُبرح مكانها أمام مهدي
الصغيرين..وتراقبهم بإنهار أثارت ضحك والديها
طلب جاسر بعد رحيل الجميع من روجيدا أن تنال بعض
الراحة وتنام قليلاً..وإمتلثت لما طلب فقد بلغ منها التعب
عقب ليلة طويلة من بُكاء الصغيرين حتى فجر اليوم..لينعما
بقسط صغير من الراحة قبل أن يأتي الأقارب من أجل
التهنئة

Secrets Of Stories

ساعتان وإستيقظت روجيدا على همهمات تأتي من جانب
المهدين..فتحت عينها لتُحدق ب جاسر الجاثي أمام طفليه
وب جانبه طفلتهما التي هتفت ببراءة

-هما مش هيصحوا يا بابي..بقالهم كتير نايمين..عاوزاهم
يفتحوا عينينهم بقى

-رد عليها جاسر: سبهم يناموا يا حبيبتى

-ضربت جُلنار الأرض ب قدمها هاتفة ب حنق: أنا عاوزه

أشوف عنينهم.. بص أنا هفتحها...

وينساق جاسر وراء طفلته ف هو مُتشوق لرؤية عينيهما كما

فعل مع جُلنار التي مدت إصبعها الصغيرين تنوي فتح

جفن جيلان الصغيرة عنوة لتصرخ روجيدا ب هلع

-جُلنار.. جاسر...

إلتفتا إليها ب أعين بريئة ك جراء صغيرة.. لتُغمض جفניה ب

يأس ف هتفت الصغيرة

Secrets Of Stories

عاوزه أشوف عنينهم يا مامي-

ربتت على خُصلاتها ثم قالت وهي تنظر إلى جاسر: لما يصحوا

يا-

روحي مينفعش تصحيمهم...

أومات الصغيرة بد تفهم وعادت بد نظرها إلى الطفلين وبقت

تُحدق بهما لينهض جاسر ويتجه إليها ثم تساءل

-نمتي كويس!

-ضيققت عيناها وهدرت: دي مش أول مرة..يعني جُلنار طفلة

وقولنا ماشي..أنت إيه؟!!

-حاوط خصرها ثم همس وشفتيه تتلمس صدغها: أب

مُشتاق يعرف مين منهم شايل لون عينك

-إبتسمت وقالت: ومين منهم شايل لون عينك...

طبع قُبلة عميقة قبل أن يبتعد عن صدغها لينظر إلى

Secrets Of Stories

فيروزها الصافي ثم أكمل

-العسلي سهل أي حد يكون لون عينه..أما الفيروز..دا حجر

نادر

-قَبَلت جفنيه وقالت: ومش كل اللي عنهم عسلي..فيهم دفي

الشمس اللي ف عنيك...

نظر إليها بـ عسليتين تتوهجان كـ الشمس قبل أن يهبط إلى
شفتيها الوردية يقتنص منها نكهة الفراولة بـ عمق
وشغف. وكأنه يتذوق حلاوة شفتين غربتين عنه ولم تكن
تلك التي يتقنص منها ما يشاء قبلاً

حاولت روجيدا إبعاده ولكنه أحكم يده عليها يرفض
إبتعادها عنه وكأن حياته ستفنى ما أن يبتعد.. خوفه لحظة
ميلاد الطفلين من ذلك السليمان الذي ظهر فجأة وإختفى
فجأة ولم يعثر عليه مُطلقاً تضاعف.. لا يعلم متى سيضربه
وأين ستكون الضربة أو بالأحرى مَنْ!.. وتلك القُبلة تُعطيه
شجاعة وقدرة خارقة على المقاومة.. لم يدري كيف إبتعد
عنها قبلاً.. أو من أين إستمد قوته وهي مصدر قوته بل تلك
القُبلة

وأخيراً إبتعد على مضض خوفاً أن تراهما الصغيرة
جُلنار.. وضع جبهته على جبهتها ثم همس بـ صوتٍ أجش

-عشان أقدر أواصل..فرحتي وسعادتي دلوقتي متتقارنش ب
 أي سعادة..زي شغف ولادة جُلنار ودفى حضن التوأم..عيلتنا
 دي كنز هحاول أحافظ عليه ب قلبي ومفتاحه أنتِ..أنتِ
 وبس يا ذات العينين الفيروزييتين...

بعد مرور ستة أشهر

كان جاسر عائداً من عمله ليصعد أولاً إلى غرفة صغيره
 ليطمأن عليهما وليته لم يصعد ف ما أن فتح باب الغرفة التي
 أعدها لهما حتى وقف مصعوقاً وهو يرى جُلنار تعقد
 وشاحاً حول خصرها الذي يتحرك يمينا ويساراً ب الإضافة
 إلى حركات يديها التي إن كانت تدل فهي لا تدل سوى أنها
 تؤدي رقصه شرقية

صك صدره ك النسوة ثم تقدم منها وهو يهدر ب غضب

-جُلنار!...

إلتفتت الصغيرة إليه بابتسامة بريئة كادت أن تُصيبة بـ
ذبحه صدرية..أغلقت المُسجل الذي تنطلق منه الأغنية
الشعبية..ثم ردت عليه ببراءة

-أيوة بابي!

-هدر جاسر ب حدة وهو يضرب كفيه ب بعضهما:بابي إيه
ونيلة إيه!..أنتِ خلتيها خل يا بنت الصياد
-عقدت جُلنار حاجبها وتساءلت:مالك يا بابي...

قبض على عُنقها من الخلف ثم رفعها إلى مستوى وجهه
ليُضيق عيناه هامسًا ب حدة

-بتعملي إيه يا بنت الأكابر!..بترقصي بلدي!

-حركت الصغيرة قدميها بعشوائية ثم هتفت ب حنق:نزلني
يا بابي..نزلني!

-أنزلك..وإيه الأغنية اللي ملهاش ملامح اللي بتسمعيها دي!...

ظلت الصغيرة تتلوى ولكنه أكمل وهو يضم قبضته أمام
وجهها

-إديني رمضان..وبعد أما يدك رمضان!..هتعملي بيه إيه؟!...

وضع يده على صدره وقال بقهر

-ااه منك لله هتموتيني بدري..أنا عارف والله إن الإنحراف
دا هواية مش جينات والله

-زمجرت جُلنار:نزلني بقى..إشمعنى سايب مامي وجايلي أنا

-همس بـ خفوت خطير وهو يقربها منه:سايب مامي إزاي!

-عقدت ذراعها أمام صدرها وقالت بـ حنق:مامي تحت فـ

المطبخ مع طنط كريمة وماما بسمة بيرقصوا

-صرخ بـ حدة:يا عيلة عاوزة الولعة...

وضع الصغيرة أرضاً ثم أشار بـ سبابته بـ تحذير

-إياك وكمان مرة إياك أشوفك بتعملي المسخرة دي..ومامي

أنا ليا حساب معاها...

ثم تحرك خارج مُحيط الغُرفة بعدما إطمأن على التوأمين
 ليهبط الدرج بسرعة وهو يتوعد لروجيدا
 وصل إلى المطبخ لتتسع عيناه بصدمة لا تقل عن صدمته بـ
 إبنته وإن كانت تلك كصاعقة.. فروجيدا وإن كانت خرقاء
 قليلاً بتحركاتها إلا أن إعوجاج خصرها الفاتن يُذكره بـ
 إعوجاجه يوم إخطفها من زفافها.. وحركات جزعها العلوي
 المتناغمة مع لحن أغنية محمد مُنير والمقطع يصف ما
 يُشاهده بـ إنشده
 "خضارك زي جنينة وطارحت تينات"
 "عودك في مشيته عامله مُنحنيات"
 "عضامك لينات لاجيين على التنيات..تنية وإثنين ، ثلاثة
 وأربع خمس تنيات"
 "يا أم عُجدين ذهب ثلاثة وتلاتين طارة"
 "ما عيننا رأت ما وردت على بكّارة"

"يوم طلت علينا.. الكل وجعه سكاراً"

"سجطت ف الحليب ما بيّنة له عكاراً"

وحين خارت عزيمته على المقاومة..تقدم يقف خلفها وعيناه
تقدحان شرر مُتطاير وأنفاسه الساخنة كانت تحرق عُنقها
وظهرها

كانت روجيدا ترقص ب سعادة ولكنها توقفت ما أن رأت
نظرات الذعر على كريمة وأم بسمة..للتجمد ب مكانها
هامسة ب صدمة

-جاسر ورايا صح...

أومأت السيدتان ب خوفاً ظاهر..لتبتلع ريقها ب صعوبة ثم
إستدارت تواجه جاسر الذي عيناه كانتا ك المراجل
المُشعلة..كادت أن تتحدث ولكنه تشدق ب نبرة حادة ك
نصل السيف

-ع الأوضة فوق..يلا...

أومات ب خوف وخجل لتصعد..إلتفت هو إلى كريمة التي
أشار إليها ب الإبتعاد ليقرب من الأخرى التي إنكمشت على
نفسها..وقف أمامها ثم همس ب فحيح

-أعمل فيك إيه!..أنا عارف إن دي فكرتك..عارف إن الأفكار
السودا متطلعش غير منك..كان يوم مهبب يوم أما شغلتك
هنا...

كادت أن تتحدث ولكنه عاود الحديث
-عارف إنك مش هترتاحي غير أما تشغلي مراتي رقاصة وبنتي
بتلم النقطة من وراها
-والله يا جاسر باشا مش قصدي

-أشار ب سبابته ب صرامة:أم بسمة!..الموضوع دالو إتكرر
صدقيني هخليك بسمة من غير أم...

رمقها بنظرات تحذيرية ثم صعد إلى تلك التي تنتظره ب
الأعلى

فتح الباب لتنتفض روجيدا واقفة تنظر إليه برهبة.. أشار
إليها بصرامة قائلاً

-تعالى...

إنحنت برأسها أرضاً.. ثم تقدمت منه حتى وصلت إليه
تماماً.. ظل جاسر ينظر إليها حتى أزال الوشاح عن رأسها ثم
عقده حول خصرها تحت نظراتها المذهولة.. إنحنى يهمس
أمام شفيتها

-ورينى إتعلمتى إيه يا فراولتى...

عقدت المفجأة لسانها وظلت تنظر إليه ب عدم
تصديق.. ليُشير بيده وعلى وجهه إبتسامة لعوب.. تلعثمت
روجيداً وهى تعود إلى الخلف

-آآ.. أنا....

-إتسعت إبتسامته وقال ب خبث: عندك حق.. هترقصى على
إيه!...

فتح هاتفه وقام بتشغيل إحدى الأغنيات الشعبية ليضعه
على الطاولة ثم استند بظهره على الباب وقال بنبرة خبيثة
ولكنها حازمة

-يا يا فراولة العبد لله محتاج يشوف مواهب المربي اللي
كانت تحت...

ابتلعت ريقها بصعوبة تُحاول إثناءه بعينها إلا أنه هتف بـ
برود

-الأغنية هتخلص...

كادت أن تبكي يأسًا ولكنها خضعت لما يقول.. كانت تتحرك
حركات شبه ملحوظة من كثرة إرتباكها وخجلها إلا أنها

تخيلت إختفاء جاسر وإستبدلته بكريمة وأم

بسمة.. لتنطلق بعدها بحركاتها الخرقاء ولكنها كانت بـ

النسبة إليه أكثر التحركات فتنةً وإغراء

عيناه سُرعان ما أن توهجت بـ بريق عابث.. ليعتدل بـ وقفته
ثم إقترب منها حتى حاوط خصرها فـ إنتفضت روجيدا بين
يديه.. ولكنه قربها منه يهمس بـ صوتٍ أجش
-كفاية رقص.. أنا تعبتك...

حاولت التملص من بين يديه ولكنه كان قد أحكم القيد
حول فريسته وفتح أزرار ثوبها مُعلنًا عن جولة عشق لن
تنتهي

أنت الضوء الذي أنار حياتي وأسعدها من جديد، أنت
شمسي وقمري وكل نجومى.
Secrets Of Stories

بعد مرور أربعة سنوات

كانا يجلسان أمام البحر على الشاطئ.. أمام ذلك المنزل الذي
عاد يتزوجها به مرةً أخرى.. يتحدثان بـ شتى

الأحاديث.. وأطفالها يلعبان ب الماء أمامهما.. لتقول روجيدا

وهي تضع رأسها على صدره

-حاسس ب إيه يا جاسر دلوقتي

-ضمها إلى صدره وقال ب نبرته العميقة: حاسس زي ما كنت

تايه ولاقيت الطريق.. لأ مش طريق لاقيت المأوى اللي

هيوحتويني...

إبتعدت تنظر إليه ب ابتسامة حاملة ليسألها ب دوره و يده

تلمس وجنتها

-وأنتِ

-أجابته ب صدق وعينان تتوهجان ب عشق: حاسة إن طلعت

شمسي بعد ليل طال وطال.. أنت شمسي...

ظل ينظر إليها ويداه تسير على وجنتها حتى وصلت إلى

شفتيها و بقى هناك يتذكر السنوات الماضية.. صابر قد

رزقه الله ب صبي أسماه حمزة وظهرت أبوته الحقيقية كما
 فعل مع شقيقته نور التي تزوجت من زميل لها ب العمل
 أما سامح ونادين لم تتوقف حياتهما عن الجنون والكثير
 من العشق..وبينهما تلك المدللة إيلاف المتعلقة ب والدها ب
 درجة كبيرة

أما هو فقد قضى وقتًا طويل يبحث فيه عن سليمان ولكن
 دون جدوى وكأن الأرض قد ابتلعتة..ولكن هاجس الخوف
 عنده قد تتضاءل وهو يحتوي عائلته ويضمها تحت كنفه ب
 حماية قدرتها روجيدا..حتى أتاه خبر من الضابط يونس
 يُخبره أنه قد تم إلقاء القبض على سليمان مُنذ يومان وهو
 مُلقى خلف القُضبان مدى الحياة..حينها فقط إستطاع
 التنفس والراحة..لذلك قرر أن يسافر ب عائلته إلى الكوخ
 العزيز على قلوبهما بعد منزلهما الريفي

إبتسم وهو يفيق من شروده على إقتراب روجيدا منه ف
 إقترب منها وكاد أن يمس شفيته شفيتها ولكن أحالت يد
 طفوليه بين ذلك ما أن وُضعت بين شفتهما
 إلتفت جاسر بـ عنف إلى أطفاله ثم إلى صغيره جواد الذي
 هتف بـ حنق و براءة

-عيب يا بابي تبوس مامي قدامنا ...

نهض جاسر بـ غضب ليتراجع الأطفال بخوف كاد أن يُمسك
 الصغير ولكنه هرب لتتبعه الفتاتين ومن خلفهما والدهما
 الذي هتف بـ حدة وهو ينزع خُفه ويقذفه بهم

-اه يا ولاد الـ*** مش عارف أتلم على أمكم... Secrets

ضحكت روجيدا بـ قوة وهي تلحقهم..ليجذب جاسر يدها ثم
 هدر بـ عنف

-مفكرة نفسك رايحة فين..طب عليا الطلاق لأبوسك...

وبالفعل أحاط عُنقها وهو يجذبها إليه يُقبلها برقة.. ليعود
الأطفال ويلتفون حول والديهم يهتفون بمرح ولكن جاسر
غارق بعالمه مع تلك الفاتنة.. ذات العينين الفيروزييتين

تمت بحمد لله

إلى اللقاء بجزء الرابع...



صفحة الكاتبة على

الفيس بوك

صفحة

مزيد من الروايات

تابعونا

أسرار الروايات